

Saint Paul ESST Cov Lus Nug Uas Nquag Nug rau Cov Tswv Hauj Lwm

Cov Txheej Lus

Cov Lus Nug Ncua Dav Txog Earned Sick and Safe Time (Kev Tau Nyiaj Them Thaum Muaj Mob thiab Lub Siv Sijhawm Nyab Xeeb (ESST) Txoj Cai	1
Cov Lus Nug Txog Kev Pab Pov Thaiv Neeg Ua Hauj Lwm	5
Kuv yuav tsum tau ua dab tsi rau kuv cov neeg ua haujlwm txhawm rau kom ua raws li txoj cai ESST?	15
Kev Siv ESST	21
Cov Cai Rau Ceeb Toom Chaw Ua Haujlwm thiab Cov Ntawb Ntawv Teev Tseg	28
Cov Cai Rau Ceeb Toom Neeg Ua Haujlwm thiab Cov Ntawb Ntawv Teev Tseg	31
PTO Cov Cai thiab Txoj Cai ESST	33
Kev Yuam Siv Txoj Cai	35
Kev Ua Pauj	38
Puas muaj lus nug dab tsi?	39

Cov Lus Nug Ncua Dav Txog Earned Sick and Safe Time (Kev Tau Nyiaj Them Thaum Muaj Mob thiab Lub Siv Sijhawm Nyab Xeeb (ESST) Txoj Cai

- 1. Qhov kev cai Earned Sick and Safe Time (Kev Tau Nyiaj Them Thaum Muaj Mob thiab Lub Sijhawm Nyab Xeeb (ESST) yog ua hauj lwm dab tsi?*

Xeev Saint Paul txoj cai ESST sam hwm kom cov tswv ntiav hauj lwm yuav tsum muab qhov kev tau nyiaj them thaum muaj mob thiab lub sijhawm nyab xeeb rau cov neeg ua haujlwm

uas ua haujlwm hauv nroog Saint Paul. Muaj ob qho sijhawm: lub sijhawm muaj mob thiab lub sijhawm kev nyab xeeb.

2. Lub sijhawm muaj mob yog dab tsi? Lub sijhawm kev nyab xeeb yog dab tsi?

Lub sijhawm muaj mob yog hais txog lub sijhawm so haujlwm uas cov neeg ua haujlwm siv tau rau cov laj thawj kev kho mob, xws li mob lub cev lossis lub hlwb raug mob lossis lwm yam mob, lossis rau kev teem sijhawm mus kuaj mob, tu lossis kho tus mob, raug mob lossis kev mob nkeeg ntawd. Lub sijhawm kev nyab xeeb yog hais txog qhov kev qhaj haujlwm vim muaj kev tsim txom hauv tsev, kev yuam deev, lossis kev soj lw. Cov neeg ua haujlwm tuaj yeem siv tau lub sijhawm muaj mob thiab sijhawm kev nyab xeeb rau cov laj thawj lawv tus kheej lossis rau cov laj thawj ntawm ib tus neeg hauv tsev neeg los tau.

3. Txoj cai ESST no siv tau rau leej twg?

Txoj cai no siv rau cov neeg ua haujlwm puv sijhawm, ib nrab sijhawm, ib ntus, lossis cov neeg ua haujlwm raws li thaum xav tau uas ua haujlwm nyob hauv Nroog Saint Paul, rau tus tswv haujlwm uas muaj lub chaw ua haujlwm nyob hauv nroog Saint Paul.

4. Cov tswv haujlwm twg yuav tsum muab ESST?

Cov tswv haujlwm uas:

- 1) Tswj lub chaw ua haujlwm nyob ruaj khov hauv nroog Saint Paul; THIAB
- 2) Ntiav ib lossis ntau tus neeg ua haujlwm uas ua haujlwm tsawg kawg 80 teev lossis ntau dua nyob rau hauv ib lub xyoo nyob hauv Lub Nroog Saint Paul.

Piv Txwv #1: Tuam txhab WeCare, Inc. yog lub hauv paus chaw ua haujlwm hauv nroog Bloomington thiab muaj ntau lub tsev tu neeg laus nyob thoob lub xeev, uas muaj ib lub ntawm cov chaw ua haujlwm no nyob rau hauv nroog Saint Paul. Lub chaw uas nyob hauv nroog Saint Paul no muaj 15 tus neeg ua haujlwm. 15 tus neeg ua haujlwm nyob hauv lub chaw ua haujlwm hauv nroog Saint Paul no yog nce rau txoj cai ESST vim tias tus tswv ntiav haujlwm tuav lub chaw ua haujlwm nyob rau hauv nroog Saint Paul.

Piv Txwv #2: FoodToGo, Inc. yog ib lub tuam txhab ua lag luam xa khoom noj khoom haus. Lawv muaj ib lub chaw hu xov tooj nyob hauv nroog Saint Paul uas tsuas yog muaj ib tus neeg ua haujlwm xwb, thiab muaj ntau lub chaw xa khoom nyob thoob plaws hauv cheeb tsam nroog loj. Tsuas yog tib tug neeg ua haujlwm nyob rau ntawm lub chaw hu xov tooj thiaj yuav tau txais ESST xwb vim tias nws yog tib lub chaw uas FoodToGo tswj hwm nyob rau hauv nroog Saint Paul xwb.

Piv Txwv #3: Tasty Tacos yog lub chaw ua khoom noj khoom haus hauv lub teb chaws. Lawv muaj ib lub chaw nyob hauv nroog Saint Paul uas muaj 15 tus neeg ua haujlwm. Tsuas yog tib lub chaw uas nyob hauv nroog Saint Paul xwb thiaj li tau txoj kev cai no.

Piv Txwv #4: Carol's Catering nyob rau hauv nroog Woodbury thiab xa cov zaub mov thoob plaws qhov txhia chaw hauv cheeb tsam nroog loj. Carol cov neeg tsav tsheb thauj khoom hla Lub Nroog Saint Paul txhua lub sijhawm. Carol's Catering tsis tau txais txoj cai no vim Carol's Catering tsis muaj ib lub chaw nyob ruaj khov hauv Lub Nroog Saint Paul.

5. Cov tswv ntiav haujlwm yuav tsum pib ua raws li txoj cai ESST thaum twg?

Nws nyob ntawm qhov loj me ntawm koj txoj lag luam nyob rau thaum lub Xya Hli 1, 2017:

Cov neeg ua hauj lwm Puv-Sijhawm, Ib Nrab Sijhawm, lossis ua ib ntus Hnub pib siv txoj cai ESST thaum lub Xya Hli 1, 2017	
24 leej lossis coob dua	Lub Xya Hli 1, 2017
23 leej lossis tsawg dua	Lub Ib Hlis 1, 2018

Piv Txwv #1: Tuam txhab ABC Transmission ntiav neeg ua haujlwm 24 leeg. Muaj plaub leeg tsuas ua haujlwm rau hnub toj ib lub hlis xwb. Muaj ob tus neeg ua haujlwm raug ntiav tuaj ua haujlwm ib ntus xwb. Tag nrho ob co neeg ua haujlwm ib nrab sij hawm (PT) thiab ua hauj lwm ib ntus no puas leej raug suav nrog nyob rau hauv qhov kev txiav txim tias tuam txhab ABC Transmission muaj pes tsawg tus neeg ua haujlwm. Lub tuam txhab no raug rau txoj cai ESST thaum lub Xya Hli 1, 2017.

Piv Txwv #2: Tuam txhab Flowers By Irene muaj 183 tus neeg ua haujlwm uas ua haujlwm nyob rau ntau qhov chaw thoob plaws cheeb tsam nroog loj, muaj ib qho chaw ua hauj lwm ntawm cov chaw ua hauj lwm no yog nyob hauv nroog Saint Paul. Muaj kaum cuaj tus neeg ua haujlwm ua haujlwm nyob rau hauv lub chaw ua hauj lwm hauv nroog Saint Paul. Lub tuam txhab Flowers By Irene no raug rau txoj cai ESST thaum lub Ib Hlis 1, 2018.

6. "Ib lub xyoo" txhais li cas rau cov hom phiaj ntawm txoj cai ESST?

"Ib lub xyoo" txhais tias 12 lub hlis ntawm kev ua haujlwm sib law sib liag twg uas tau txiav txim los ntawm qhov chaw ua haujlwm. Nws suav tag nrho cov hnub so thiab cov hnub uas tsis ua haujlwm.

7. Thaum twg cov neeg ua hauj lwm thiaj tuaj yeem pib tau txais ESST?

Cov neeg ua hauj lwm pib khwv tau ESST nyob rau lawv thawj hnub ua haujlwm.

8. Tus nqi khwv tau ESST yog li cas?

Ib tus neeg ua hauj lwm khwv tau ib teev ntawm ESST nyob rau txhua txhua 30 teev ua haujlwm.

Piv txwv: Beth ua haujlwm 26 teev nyob rau ib asthiv hauv Old Tyme Antiques, thiab tau ua haujlwm nyob rau tov tau xya lub hli. Beth tau txais 24 teev ntawm ESST. (26 hours x 28 weeks = 728 teev/30 = 24 teev ntawm ESST uas tau txais)

9. *Ib tug neeg ua hauj lwm yuav khwv tau pes tsawg teev ntawm cov sij hawm ESST nyob rau ib xyoos?*

Neeg ua hauj lwm khwv tau ib teev ntawm ESST nyob rau txhua txhua 30 teev uas lawv tau ua haujlwm, mus txog qhov siab kawg nkaus ntawm 48 teev ESST nyob rau ib xyoo. Tej zaum ib tug tswv haujlwm yuav cia khwv tau ntau dua 48 teev.

10. *Puas yog cov neeg ua haujlwm nqa tau cov ESST uas tsis siv hla mus rau xyoo tom ntej?*

Yog lawm, cov tswv ntiav haujlwm yuav tsum cia cov neeg ua haujlwm nqa cov seem tsis tau siv. Neeg ua haujlwm nqa tau txog 80 xuaj moos los ntawm ib xyoos mus rau ib xyoos, tshwj tsis yog ib tus tswv ntiav haujlwm tso cai tus neeg ua haujlwm nqa tau ntau dua nod.

11. *Qhov ntau tshaj plaws ntawm cov sij hawm ESST uas ib tus neeg ua hauj lwm tuaj yeem siv nyob hauv ib xyoos yog li cas?*

Ib tus neeg ua hauj lwm raug tso cia siv tau tag nrho cov teev uas lawv khwv tau. Cov neeg ua haujlwm yuav tsum muaj peev xwm khwv tau 48 teev hauv ib xyoos. Qhov ntau tshaj plaws ntawm cov teev uas cov tswv ntiav haujlwm yuav tsum cia tus neeg ua haujlwm nqa tau hauv ib lub sijhawm yog 80 teev. Thaum ib tus neeg ua haujlwm cov xuaj moos poob los qis dua 80 teev, tus neeg ua haujlwm yuav rov pib khwv tau dua, tshwj tsis yog lawv tau nce txog 48 teev nyob rau hauv lub xyoo ntawd lawm.

Piv txwv: Angela ua haujlwm 40 teev ib lim tiam. Nws pib ua haujlwm thaum lub Ib Hlis 1, 2018. Nws yuav khwv tau cov sij hawm ntau tshaj yog 48 teev ntawm ESST nyob rau hauv nws thawj xyoo ua hauj lwm. Yog tias nws siv 12 teev ntawm ESST nyob rau thawj xyoo, nws muaj peev xwm nqa tau qhov seem 36 teev mus rau xyoo thib ob. (48 – 12 = 36) Nyob rau hauv lub xyoos ob nws yuav khwv cov sij hawm ESST txuas ntxiv mus kom txog thaum nws tau nto 80 teev, ntawm lub sij hawm ntawd nws yuav tsum tsis khwv ntxiv. Thaum twg nws siv ib qho ESST thiab poob qis dua 80, nws yuav pib tau txais dua kom txog thaum nto ib qho twg ntawm

1) Nws khwv nto 48 teev hauv ib xyoos; LOSSIS 2)
Nws cov xuaj moos tshuav nto 80 teev.

Tsis muaj dab tsi txwv tsis pub Angela tus tswv ntiav haujlwm los ntawm kev tso cai rau nws siv ESST ntau ntxiv lossis khwv kom tau txais ESST ntau ntxiv, tab sis qhov no yog qhov tsawg kawg nkaus uas yuav tsum tau ua.

12. *Thaum twg ib tug neeg ua hauj lwm thiaj tuaj yeem pib siv tau ESST?*

Cov neeg ua hauj lwm tuaj yeem siv tau ESST tom qab lawv tau ua haujlwm nto 90 hnuv. Txawm li cas los xij, cov neeg ua hauj lwm yeej pib *khwv tau* ESST thaum lawv pib ua haujlwm los. Cov tswv haujlwm yuav tsum taug qab xyuas cov sij hawm uas khwv tau suav txij li tus neeg ua hauj lwm thawj hnuvua haujlwm los mus.

13. *Txoj cai ESST tau pib siv nyob rau lub Xya Hli 1, 2017 rau cov tswv hauj lwm uas muaj 24 tus neeg ua hauj lwm lossis ntau dua saud. Puas yog cov tswv haujlwm yuav tsum tau muab 48 xuab moos ntawm ESST nyob rau hauv xyoo 2017?*

Yog tias tus tswv ntiav haujlwm xaiv qhov kev khwv tau, cov xuab moos ntawm ESST uas ib tus neeg ua haujlwm yuav tau txais yog nyob ntawm cov xuab moos uas tau ua haujlwm. Yog tias tus tswv haujlwm xaiv qhov muab tag nrho cov sij hawm rau ua ntej, lawv yuav tsum muab 24 teev nyob rau lub Xya Hli 1, 2017 txog rau lub Kaum Ob Hlis 31, 2017.

*Piv txwv: Ib tus neeg ua haujlwm ua haujlwm 40 teev toj ib asthiv txij lub Xya Hli 1, 2017 txog lub Kaum Ob Hlis 31, 2017 yuav khwv tau 34 xuab moos ntawm ESST (40 teev * 26 lub lim tiam = 1040 teev, 1040/30 = 34 teev ESST).*

14. *Txoj cai no hais tias cov neeg ua haujlwm muaj cai siv ESST 90 hnuv tom qab pib ntawm lawv txoj haujlwm. Yuav ua li cas yog tias kuv muaj cov neeg ua haujlwm tau ua haujlwm rau kuv ntau dua 90 hnuv thaum txoj cai tau pib siv nyob rau lub Xya Hli 1, 2017?*

Yog tias tus neeg ua haujlwm tau ua haujlwm rau tus tswv haujlwm los tau 90 hnuv lawm thaum txoj cai tau pib siv, lawv tuaj yeem siv ESST sai li sai tau thaum nws khwv tau cov sij hawm.

15. *Leej twg ua tus yuam siv xoj cai ESST no?*

The Saint Paul Department of Human Rights and Equal Employment Opportunity (Nroog Saint Paul Lub Tuam Tsev Saib Xyuas Cov Cai ntawm Tib Neeg thiab Kev Muaj Vaj Huam Sib Luag rau Kev Ua Haujlwm (HREEO)) tswj siv txoj kab ke no.

16. *Kuv yuav mus nrhiav txoj cai ESST thiab cov kev cai nyob rau qhov twg?*

Txoj cai thiab cov cai tswj ntawm ESST muaj nyob rau hauv www.stpaul.gov/esst.

Cov ntawv nyeem tag nrho ntawm txoj cai muaj nyob rau ntawm [Saint Paul Legislative Tsab Cai Nqe XXIII, Tshooj 233.01 - 233.21.](#) "Pej Xeev Txoj Kev Noj Qab Haus Huv, Kev Nyab Xeeb thiab Kev Noj Qab Nyob Zoo"

Cov Lus Nug Txog Kev Pab Pov Thaiv Neeg Ua Hauj Lwm

17. Cov neeg ua hauj lwm twg thiaj raug pab duav nyob hauv txoj cai ESST?

Txhua tus neeg ua hauj lwm uas ua hauj lwm puv sijhawm, ib nrab sijhawm, ib ntus, lossis cov neeg ua haujlwm raws li thaum xav tau uas tau nyiaj them raws xuab moo tus uas ua haujlwm rau tus tswv haujlwm hauv nroog Saint Paul uas muaj lub chaw ua hauj lwm nyob hauv nroog Saint Paul.

18. Puas yog txoj cai ESST pov thaiv cov neeg ua haujlwm tsis tu ncuu hauv nroog Saint Paul?

Tau kawg. Yog tias tus neeg ua hauj lwm ua haujlwm yam tsawg kawg 80 teev hauv ib lub xyoos nyob hauv nroog Saint Paul, thiab lawv tus tswv haujlwm muaj lub chaw ua hauj lwm nyob hauv nroog Saint Paul, tus neeg ntawd raug pov thaiv nyob hauv txoj cai no.

Piv txwv: Matthew ua haujlwm rau tuam txhab Williamson Architectural thiab ua haujlwm tsis tu ncuu rau hauv tuam txhab lub chaw ua hauj lwm nyob hauv nroog Minneapolis. Nws raug cwv rau mus ua txoj haujlwm peb lub hlis nyob rau hauv lub chaw ua hauj lwm nyob hauv nroog Saint Paul. Yog tias Matthew ua haujlwm ntau dua 80 teev nyob hauv tus ciam dej ciam ad ntawm nroog Saint Paul hauv ib lub xyoos, nws yuav raug pab duav los ntawm txoj cai ESST. Nws qhov ESST tau sib ntxiv los mus pib txij li thawj hnuv nws tau pib ua haujlwm hauv nroog Saint Paul.

18. Txoj cai ESST txiav txim tias ib tus neeg ua haujlwm uas yog tus ua haujlwm nyob rau sab hauv tus ciam nroog Saint Paul rau yam tsawg kawg nkaus 80 teev. Txawm li cas los xij, txoj cai no hais tias cov neeg ua haujlwm pib tau txais ESST thaum pib ua haujlwm. Qhov no ua hauj lwm li cas?

Txoj cai no tsuas yog pov thaiv cov neeg ua haujlwm uas tau ua hauj lwm tus ciam nroog Saint Paul rau yam tsawg kawg nkaus 80 teev hauv ib lub xyoos. Thaum tus neeg ua hauj lwm dhau los nce rau txoj cai ESST lawm, qhov ntau tsawg ntawm qhov ESST uas khwv tau yog nyob ntawm tag nrho cov xuaj moos uas tau ua haujlwm nyob rau sab hauv tus ciam nroog Saint Paul suav txij li thaum lawv pib ua haujlwm rau qhov chaw ua haujlwm.

Piv txwv: Jon tau ua haujlwm 40 teev nyob rau ib lub lim tiam rau Marine Supplies los tau tag nrho ob thiv ntau, lossis 100 teev. Thaum Jon ua haujlwm dhau 80 teev nyob rau hauv Lub Nroog Saint Paul, nws tau raug pov thaiv los ntawm txoj cai ESST. Vim tias nws pib tau txais ESST sib ntxiv suav txij li thawj hnuv ntawm nws txoj haujlwm, nws thiaj tau txais peb teev ntawm qhov ESST. (100 teev/30 = 3 teev ESST uas tau txais)

19. Ib tus neeg ua haujlwm uas tsis ua haujlwm yam tsis tu ncuu hauv nroog Saint Paul uas tau txais nto 80 xuaj moos pib raug pov thaiv los ntawm txoj cai ESST.

Puas yog nws yuav tsum tau rov qab ua kom tsim nyog tau txais ESST nyob rau lwm xyoo los ntawm kev ua hauj lwm 80 teev hauv nroog Saint Paul dua?

Tau kawg. Cov neeg ua hauj lwm uas raug pov thaiv los ntawm txoj cai no yuav tsum tau ua haujlwm kom nto 80 teev hauv ib lub xyoos ua ntej lawv tuaj yeem siv tau qhov ESST uas tau txais nyob rau xyoo ntawd.

20. Txoj cai no koj zoo li cas rau cov neeg ua haujlwm uas ua haujlwm tom tsev?

Cov neeg ua haujlwm uas ua haujlwm nyob rau tom tsev lossis ua hauj lwm hauv xov tooj yog raug pov thaiv los ntawm txoj cai nyob rau cov teev uas lawv hu xov tooj yog tias tus tswv hauj lwm tswj lub cev chaw ua hauj lwm nyob hauv nroog Saint Paul, thiab tus neeg ua haujlwm no ua nyob hauv nroog Saint Paul.

Piv Txwv #1: Happy Holidays Card Design muaj lub chaw ua ad ci thiab pob zeb puab tsev nyob hauv nroog Saint Paul. Bridget, yog ib tus neeg ua haujlwm uas ua hauj lwm nyob tom tsev hauv nroog Saint Paul ob hnuv hauv ib lub lim tiam. Nws khwv tau thiab sib ntxiv qhov ESST nyob rau thaum lub sijhawm nws ua haujlwm hauv tsev.

Piv Txwv #2: Construction Consulting Services nyob hauv nroog Hopkins. Mary, uas nyob hauv nroog Saint Paul, ua hauj lwm tom tsev thaum nws tus tub tawm hauv tsev kawm ntawv. Vim tias tuam txhab Construction Consulting Services tsis muaj lub chaw ua hauj lwm nyob hauv nroog Saint Paul, Mary yuav tsis nce rau txoj cai ESST.

Piv Txwv #3: Tuam txhab Inspiring IT Services yog nyob hauv nroog Saint Paul. Damon, lawv cov neeg ua haujlwm, nyob hauv nroog Apple Valley thiab ua haujlwm nyob rau tom tsev 2 hnuv toj ib lub lim tiam. Nws yuav tsis stau txais ESST nyob rau cov hnuv ua hauj lwm ntawd. Damon tsuas tau txais ESST nyob rau cov hnuv nws ua haujlwm nyob rau hauv lub chaw ua hauj lwm uas nyob hauv nroog Saint Paul xwb.

21. Kuv yog ib tus tswv haujlwm muaj lub hauv paus chaw ua haujlwm nyob rau hauv nroog Saint Paul thiab kuv muaj cov neeg ua hauj lwm uas ua haujlwm nyob rau sab hauv thiab sab nraud ntawm lub nroog Saint Paul. Cov neeg ua haujlwm nyob sab nraud ntawm lub nroog Saint Paul puas raug duav los ntawm txoj cai ESST no?

Tsis raug duav, tsuas yog duav cov neeg ua haujlwm uas ua haujlwm nyob hauv nroog Saint Paul nkaus xwb.

Piv txwv: Tuam txhab Go Go Tires Service Co. tuav ob lub chaw ua hauj lwm: ib lub nyob hauv nroog Maplewood thiab ib lub nyob hauv nroog Saint Paul. Ob lub chaw no puas leej ntiav 15 tus neeg ua haujlwm tib yam nkaus. Tsuas yog cov neeg ua haujlwm nyob hauv lub chaw ua hauj lwm hauv nroog Saint Paul nce rau txoj cai ESST xwb.

22. Puas yog cov neeg cog lus ua haujlwm ua ywj pheej raug zam los ntawm txoj cai ESST no?

Tau kawg. Txhua tus neeg ua hauj lwm uas raug xam tias yog neeg cog lus ua hauj lwm ywj pheej raug zam los ntawm txoj cai ESST no.

23. Lub Nroog yuav txheeb li cas thiaj tias yog “tus neeg cog lus ua hauj lwm ywj pheej?”

Lub Nroog yuav xyuas seb tus neeg ua hauj lwm puas:

1. ua ib daim ntawv them se rov qab ntawm tus kheej ua hauj lwm rau tus kheej;
2. tswj hwm ib qho lag luam thiab siv nws tus kheej cov cuab yeej;
3. muaj kev cog lus rau ua cov haujlwm kev pabcuam nrog lub chaw haujlwm;
4. paub cov nyiaj tau los yog poob peev hauv qhov kev cog lus ua tiav cov kev pabcuam;
5. them cov nqi tseem ceeb uas ntsig txog kev ua txoj haujlwm;
6. tswj tus yam ntxwv thiab txoj hau kev ua uas siv los ua txoj haujlwm;

24. Kuv yog tus tswv ntiav haujlwm uas muaj ntau tus neeg ua haujlwm ib ntus. Puas yog lawv nce rau txoj cai ESST?

Tau kawg. Cov neeg ua haujlwm ib ntus raug pov thaiv nyob rau hauv txij cai lij choj yog tias lawv ua haujlwm hauv nroog Saint Paul yam tsawg kawg 80 xuaj moos hauv ib lub xyoo, thiab lawv tus tswv haujlwm tswj lub cev chaw ua hauj lwm nyob hauv nroog Saint Paul.

25. Puas yog cov kev xyaum haujlwm tsis them nyiaj thiab cov neeg ua haujlwm pub dawb raug pov thaiv los ntawm txoj cai no?

Tsis yog lawv raug zam.

26. Txoj kev cai no puas duav cov neeg ua haujlwm hauv vaj hauv tsev xws li cov neeg zov me nyuam, cov niam ua mov, cov neeg ua hauj lwm tu kho, thiab cov neeg ua vaj?

Yog lawm, yog tias lawv ua haujlwm yam tsawg kawg 80 teev hauv ib lub xyoos thiab ua haujlwm hauv lub tsev uas nyob hauv nroog Saint Paul.

27. Ib tug neeg ua hauj lwm puas tau txais ESST thaum lub sijhawm sim ua hauj lwm?

Tau

ka wg. *28. Cov neeg ua hauj lwm noj nyiaj xuab moo yuav khwv tau ESST li cas?*

Kev khwv tau ESST yog nyob ntawm tus nqi kev ua hauj lwm nyob rau txhua txhua 30 teev twg tau txais 1 teev ntawm ESST. Qhov no suav nrog kev ua haujlwm tshaj sijhawm, tshwj tsis yog tus tswv haujlwm muaj tsab cai PTO uas muaj ntau dua qhov cov yuav tsum tau los ntawm txoj cai no.

29. Cov neeg ua hauj lwm noj nyiaj hli khwv tau ESST li cas?

Cov nyiaj ua haujlwm noj nyiaj hli khwv tau cov ESST los ntawm qhov kev khwv yees tias lawv ua haujlwm 40 teev toj ib asthiv. Txawm li cas los xij, yog tias lawv ua haujlwm tsawg dua 40 teev nyob rau ib asthiv, ESST yuav raug suav raws li cov xuaj moos ua haujlwm tiag xwb.

Piv Txwv 1: Laurie ua hsu j lwm ib nrab sijhawm, tab sis tau noj nyiaj hli uas ua hauj lwm 30 teev toj ib asthiv. Tom qab 3 lub lim tiam, Laurie yuav khwv tau 3 teev ntawm ESST. (30 teev toj ib asthiv x 3 lub lim tiam = 90 teev. $90 / 30 = 3$ teev ESST.)

Piv Txwv 2: Dennis yog ib tug neeg ua haujlwm puv sij hawm uas tau nyiaj hli. Tom qab 3 lub lim tiam, Dennis yuav khwv tau 4 teev ntawm ESST. (40 teev toj ib asthiv x 3 lub lim tiam = 120 teev. $120 / 30 = 4$ teev ntawm ESST.)

30. Puas yog cov neeg ua haujlwm uas tau tawm lawm lossis tawm haujlwm lawm ces tom qab ntawv rov qab tuaj ua haujlwm dua khaws cia tau lawv li ESST uas khwv tau?

Yog lawm, yog tias tus neeg ua hauj lwm ntawd rov raug ntiav mus ua hauj lwm tsis pub dhau 90 hnuv. Tus neeg ua hauj lwm kuj tseem yuav tau txais cov sijhawm uas twb khwv tau thiab lub sij hawm so thaum muaj mob thaum lub sij hawm koj raug rov ntiav mus ua hauj lwm dua.

Piv Txwv #1: Sung ua haujlwm rau Green Thumb Gardens los tau ntau xyoo. Tam sim no nws khwv tau 20 teev ntawm ESST Nws tawm haujlwm thaum lub Rau Hli tim 1 thiab tau rov mus ua hauj lwm dua thaum lub Yim Hli tim 15 hauv tib lub xyoo. Sung yuav khaws nws cov sij hawm yav tas los sau 20 teev thiab yuav tau txais ESST txuas ntxiv mus thiab muaj peev xwm siv tau ESST tam sim ntawd thaum rov ua haujlwm.

Piv Txwv #2: Doug ua haujlwm rau Spotless Cleaners hauv nroog Saint Paul, tab sis tawm haujlwm thaum lub Peb Hlis tim 25. Nws muaj 42 teev ntawm ESST uas tau txais Doug tau rov ua haujlwm thaum lub Xya Hli 1. Rau cov hom phiaj ntawm ESST, Doug raug xam tias yog tuaj ua haujlwm tshiab. Vim tias tau ntev tshaj 90 hnuv dhau mus lawm, Doug tsis tuaj yeem khaws cia tau nws cov sij hawm 42 teev yav tas los lawm. Tsis tas li ntawd, nws yuav tau tos txog 90 hnuv ua ntej nws yuav tuaj yeem siv tau ESST uas nws pib khwv tau thaum lub Xya Hli tim 1.

31. Yog tias ib tus neeg ua hauj lwm tawm haujlwm lossis raug tshem tawm haujlwm lawm qhov chaw ua haujlwm puas yuav tsum tau them nyiaj rau cov sij hawm so thaum muaj mob thiab rau kev nyab xeeb uas tsis tau siv?

Tsis tau, tus tswv haujlwm tsis tas yuav them nyiaj rau cov sij hawm so thaum muaj mob thiab so rau kev nyab xeeb uas khwv tau ntawd rau tus neeg ua hauj lwm.

32. Ua ib tus tswv hauj lwm, kuv puas tuaj yeem sam fwm kom kuv tus neeg ua hauj lwm nrhiav ib tug neeg los hloov kuv chaw thaum lub sij hawm lawv siv cov sij hawm ESST?

Tsis tau.

33. Kuv tus neeg ua hauj lwm puas tuaj yeem tau txais qhov ESST thaum lub sij hawm tab tom siv cov sijhawm so uas tau nyiaj them ESST?

Tsis tau txais. Cov neeg ua hauj lwm tsuas khwv tau qhov ESST nyob rau cov xuaj moos tau ua haujlwm xwb.

34. Tus nqi them rau cov neeg ua haujlwm yog li cas thaum lawv siv ESST?

Tus tswv haujlwm yuav tsum them cov neeg ua haujlwm ntawm lawv tus nqi them nyiaj ib txwm.

35. Kuv yuav them nyiaj npaum li cas rau kuv tus neeg ua haujlwm yog tias lawv cov nyiaj nqi zog yog them raws li cov nyiaj pub dawb lossis cov nqi lag luam?

Koj them nyiaj rau cov neeg ua hauj lwm hauv lawv tus nqi them nyiaj xuaj moos. Koj tsis tas yuav them nyiaj rov qab rau tus neeg ua hauj lwm rau cov nyiaj pub thiab nqe hauj lwm uas tau poob lawm.

Piv txwv: Sandy yog tus neeg txhab dej caw hauv Moe lub Bar. Nws khwv tau \$8.00 toj ib teev, ntxiv rau cov nyiaj pub dawb (tip). Nws tau nyiaj pub dawb \$25.00 toj ib teev yuav luag txhua teev txawm tias nws ua haujlwm hnuv twg los xij peem. Sandy hu tuaj tias nws mob hauv nws ncuu sij hawm ua hauj lwm thiab siv cov sij hawm ESST. Sandy yuav tau txais nyiaj them \$8.00 toj ib teev xwb, thiab yuav tsis tau txais nyiaj them rau cov nyiaj pub dawb uas tau plam mus lawm.

36. Yog tias tus neeg ua hauj lwm li nyiaj them tsuas yog nyiaj nqi commission nkaus xwb, lawv puas raug zam los ntawm txoj cai lij choj?

Tau kawg.

37. Yog tias tus neeg ua hauj lwm muaj ob txoj haujlwm uas tau tus nqi them raws xuab moo sib txawv rau tib tug tswv haujlwm, tus nqi nyiaj them rau cov sij hawm muaj mob thiab rau kev nyab xeeb yuav tsum yog li cas?

Tus neeg ua hauj lwm yuav tsum tau txais nyiaj them raws tus nqi nyiaj xuab moos uas lawv yuav tsum raug them yog hais tias lawv tau ua haujlwm.(Nco ntsoov tias qhov no tsis siv rau cov nyiaj pub dawb lossis nyiaj commission.)

Piv txwv: Adas ua haujlwm rau National Steel.Muaj qee zaum nws ua haujlwm ntawm lub qhov txos nchuav hlau thiab dua li ntawv ces nws mus rau qhov chaw dov hlau.Nws tus nqi nyiaj xuab moo hloov raws li qhov chaw nws ua haujlwm. Adam hu tuaj tias nws mob nyob rau hnuv Thursday, uas yog hnuv uas nws ib txwm ua haujlwm dov hlau.Nws qhov nqi nyiaj xuaj moos ntawm kev them nyiaj rau cov hom phiaj ntawm kev kwv tau ESST yog raug xam raws li tus nqi uas nws khwv tau nyiaj rau hauv txoj hauj lwm dov hlau.

38. Kuv muaj cov neeg ua haujlwm uas ua cov haujlwm sib txawv nyob rau hauv ib hnuv thiab lawv cov nyiaj them yog them raws li lawv tes haujlwm uas lawv tab tom ua.Kuv yuav xam lawv li ESST tau li cas?

Koj tuaj yeem suav cov nyiaj nruab nrab ntawm cov nyiaj xuaj moos, nyiaj asthiv lossis nyiaj hli raws li tag nrho cov xuab moos thiab cov nqi them lawv tau txais.

39. Puas yog txoj cai no siv rau cov neeg ua haujlwm raws caij nyoog?

Yog kawg.Yog tias tus neeg ua haujlwm rov qab mus rau qhov chaw ua haujlwm tsis pub dhau 90 hnuv suav txij hnuv kawg uas nws ua haujlwm rau tus tswv hauj lwm (piv txwv li kev tawm haujlwm raws caij nyoog), cov sij hawm ESST uas khwv tau yav dhau los yuav tsum rov ua haujlwm thiab tus neeg ua haujlwm muaj cai siv ESST thaum rov ua haujlwm.

40. Kuv puas tuaj yeem muab lwm cov cai ESST rau cov neeg ua hauj lwm noj nyiaj xuaj moos thiab noj nyiaj hli?

Yog lawm, tsuav yog txhua txoj cai tau raws licov kev xav tau yam tsawg kawg ntawm txoj cai ESST.

41. Kuv tus neeg ua hauj lwm tsav tsheb muaj qee zaum kuv xa khoom tuaj sab hauv nroog Saint Paul; dua li ces lawv tuaj dhau plaws nroog Saint Paul xwb twb tsis nres ntev npaum li nres sam roj lossis xuj log tsheb.Qhov xwm txheej twg thiaj yuav tsum tau txais ESST?

Cov neeg ua hauj lwm uas khiav kev thiab uas cov kev nres tsheb raws li ib feem ntawm lawv txoj haujlwm (piv txwv, txhawm rau tos khoom, xa khoom, hu xov tooj muag khoom, thiab lwm yam), raug pov thaiv los ntawm txoj cai no rau txhua xuaj moos uas lawv ua haujlwm hauv nroog Saint Paul yog tias lawv tus tswv ntiav haujlwm muaj lub chaw ua hauj lwm nyob hauv lub nroog.Cov neeg ua hauj lwm uas khiav kev hauv nroog Saint Paul thiab tsuas yog nres thaum muaj xwm txheej xwb, xws li rau roj av, so noj sus, hloov lub log tsheb, thiab lwm yam, tsis yog nres raws li lub hom phiaj ntawm lawv txoj haujlwm.

Piv Txwv #1: Didi ua haujlwm rau Express Pizza, uas nyob hauv nroog Saint Paul, uas yog tus neeg tsav tsheb xa khoom. Didi khwv tau thiab tau txais ESST thaum xa cov pizza. Thiab nws kuj khwv tau thiab tau txais ESST thaum ua cov haujlwm ntsig txog nws txoj haujlwm xws li tsav tsheb mus rau lwm qhov chaw tom ntug nroog Saint Paul mus thauj cov hmoov nplej ntxiv.

Piv Txwv #2: Stan ua haujlwm rau Trusty Auto Glass, uas nyob hauv Richfield. Nws tsav tsheb ncig ib cheeb tsam nroog thiab hloov daim iav tawg rau cov tsheb. Stan yuav tsis muaj raug pab duav los ntawm ESST vim tias nws tus tswv ntiav haujlwm tsis muaj lub chaw ua haujlwm nyob hauv nroog Saint Paul, tab txawm tias Stan yuav ua haujlwm ntau dua 80 teev nyob hauv nroog Saint Paul hauv ib lub xyoo los xij peem.

42. Tus tswv haujlwm yuav them nyiaj rau cov neeg ua haujlwm noj nyiaj xuaj moos uas siv ESST rau cov sijhawm uas yuav ua haujlwm tshaj sijhawm li cas?

Tus tswv haujlwm yuav them nyiaj rov qab rau lawv cov neeg ua haujlwm ntawm lawv tus nqi ib txwm them rau qhov kev siv ESST rau cov sijhawm ua haujlwm dhau sijhawm. Cov neeg ua haujlwm tsis tas yuav them tus nqi them thaum ua haujlwm dhau sijhawm rau kev siv ESST.

Piv txwv: Bill yog tus neeg ua haujlwm raws xuab moo nyob rau ntawm tuam txhab Candle Supplies, Inc. Nws tus nqi them ib txwm yog \$10.00 toj ib teev. Nws ib txwm ua haujlwm 10 teev nyob rau ib hnub, 50 teev toj ib asthiv. Bill khwv tau nyiaj ib xuaj moos - thiab - peb caug feeb (\$15/teev) rau 10 teev kawg nws ua haujlwm nyob rau hauv lub lim tiam. Bill siv cov sijhawm ESST 5 teev rau hnub kawg ntawm lub lim tiam, uas feem ntau yuav yog kev ua haujlwm dhau sijhawm li ntawm 5 teev. Candle Supplies, Inc. tsuas yog them tus nqi \$10.00 toj ib teev rau lub sijhawm ESST uas tau siv, tsis yog nyob ntawm \$15.00/teev.

43. Thaum twg cov neeg ua haujlwm uas thaum hu xov tooj rau mam tuaj ua mam tuaj yeem siv tau lawv cov sijhawm ESST uas khwv tau?

Yog tias ib tus neeg ua haujlwm thaum twg hu xov tooj rau mam tuaj ua tau txais nyiaj them raws ncuaj sijhawm ua txoj haujlwm tau teem tseg uas tsis hais txog tias seb nws puas ua haujlwm nyob rau ncuaj sijhawm ntawd los tsis ua, tus tswv haujlwm yuav tsum tso cai rau siv tau cov ESST thaum nyob hauv kev hu xov tooj. Yog tias ib tus neeg ua haujlwm thaum twg hu xov tooj rau mam tuaj ua tsuas tau nyiaj them rau txoj haujlwm uas yog tias tau ua hauv ncuaj sijhawm uas tau teem tseg tiag xwb, tus tswv haujlwm muaj peev xwm cia koj siv ESST, tab sis tsis tas yuav tsum tau tso cai. Tus tswv haujlwm yuav tsum muaj lub cev chaw haujlwm nyob hauv nroog Saint Paul, thiab tus neeg ua haujlwm yuav tsum nyob rau sab hauv nroog Saint Paul.

Piv Txwv #1: Roger ua haujlwm thaum twg hu xov tooj tuaj xwb rau tuam txhab Quick Assist, LLC, yog ib lub chaw muab kev pabcuam rau neeg laus hauv cheeb tsam nroog loj uas muaj lub chaw nyob sab hauv nroog Saint Paul. Nws nyob twj ywm tom nws lub tsev kom txog thaum nws tau txais kev hu xov

tooj kom mus ntsib lossis mus koom ib tus neeg qhua hauv nws ib cheeb tsam hauv nroog Saint Paul. Thaum nws tseem tab tom nyob rau hauv kev hu xov tooj nws yuav tsum npaj txhij los teb rau kev hu xov tooj rau kev pab thiab raug them rau lub sijhawm nws tos tsab xov tooj. Roger yuav khwv tau thiab tau txais ESST ntxiv thiab nws tuaj yeem yuav siv ESST thaum tseem nyob hauv kev hu xov tooj.

Piv Txwv #2: Samantha ua haujlwm rau Bountiful Banquet, yog ib lub tuam txhab ua khoom noj haus nyob hauv nroog Saint Paul. Samantha nyob hauv nroog Saint Paul thiab nyob hauv kev hu xov tooj ua tus neeg muab kev pab. Nws tsis tau txais nyiaj them rau thaum lub sijhawm nws tseem nyob hauv kev hu xov tooj. Samantha yuav tsis khwv tau thiab tau txais ntxiv cov sijhawm ESST thiab yuav tsis tuaj yeem siv qhov ESST rau lub sijhawm nws nyob hauv kev hu xov tooj, tshwj tsis yog tias nws tus tswv ntiav haujlwm tso cai.

44. Kuv yuav xam tus nqi xuab moos rau cov ESST uas them rau kuv cov neeg ua haujlwm noj nyiaj hli tau li cas?

Faib (divide) lawv cov nyiaj hli tag nrho hauv ib lub xyoo rau cov lim tiam uas tau ua haujlwm hauv ib lub xyoo kom tawm cov nyiaj tauj ib lub lim tiam tom qab ntawv ces faib (divide) cov nyiaj lim tiam rau cov xuab moos uas tus neeg ua haujlwm ib txwm ua haujlwm hauv ib lub lim tiam twg.

Piv Txwv 1: Michelle yog ib tus neeg ua haujlwm noj nyiaj hli rau lub tuam txhab CPA me me nyob hauv plawv nroog Saint Paul. Nws khwv tau \$75,000 hauv ib xyoo ua haujlwm 52 lub lim tiam hauv ib xyoo thiab feem ntau ua haujlwm 40 teev nyob rau ib asthiv. Michelle tus nqi them rau ESST yog: $\$75,000/52$ lub lim tiam = $\$1,442.00/40$ teev = $\$36.05$ /teev.

Piv Txwv 2: Jules yog ib tus neeg ua haujlwm ib nrab sijhawm nyob hauv nroog Saint Paul uas noj nyiaj hli. Nws khwv tau \$60,000 toj ib xyoo, ua haujlwm 30 teev toj ib asthiv. Jules tus nqi them rau ESST yog: $\$60,000/52$ lub lim tiam = $\$1,153.85/30$ teev = $\$38.46$ /teev.

45. Tus neeg ua haujlwm puas yuav tsum nyob hauv Xees Phos thiaj li yuav tau txais ESST?

Tsis yog, tus neeg ua haujlwm tsis tas yuav nyob hauv nroog Saint Paul thiaj li tau txais ESST. Txawm li cas los xij, lawv yuav tsum ua haujlwm hauv nroog Saint Paul rau 80 lossis ntau xuaj moos nyob rau ib xyoo, thiab rau ib tug tswv haujlwm uas muaj lub chaw ua haujlwm nyob rau hauv nroog Saint Paul.

46. Puas yog cov neeg ua haujlwm uas tsis muaj ntaub ntawv yeej muaj cai tau txais txoj cai ESST thiab?

Tau kawg.

47. HREEO puas yuav nug txog ib tus neeg ua haujlwm li kev nkag teb chaws lossis txoj cai kev ua haujlwm yam raug kev cai lij choj?

Tsis tau.

48. Tus tswv haujlwm yuav tsum muab cov ESST ntau npaum li cas rau lawv cov neeg ua haujlwm thaum lub sij hawm nruab nrab ntawm lub Xya Hli 1 thiab lub Kaum Ob Hlis 31, 2017?

Raws li cov txheej txheem kev khwv tau, cov neeg ua haujlwm yuav tsum khwv tau ib teev ntawm ESST nyob rau txhua txhua 30 teev uas tau ua haujlwm. Raws li cov txheej txheem kev muab tag nrho ua ntej, cov neeg ua haujlwm yuav tau txais 24 teev.

Piv txwv: Raws li cov txheej txheem kev khwv tau, ib tus neeg ua haujlwm tau ua haujlwm 40 teev nyob rau ib asthiv txij lub Xya Hli 1, 2016 txog lub Kaum Ob Hlis 31, 2016. Cov sij hawm ESST yog 34 teev. (40 teev * 26 lim tiam = 1040 teev, 1040/30 = 34 teev ESST). Raws li cov txheej txheem kev muab tag nrho ua ntej, cov neeg ua haujlwm yuav tau txais 24 teev nyob rau lub sij hawm nruab nrab ntawm lub Xya Hli tim 1 txog lub Kaum Ob Hlis tim 31. Thaum lub Ib Hlis 1, txhua lub sijhawm uas tsis tau siv yuav poob mus thiab lawv yuav tau txais 80 teev tam sim ntawd rau lub xyoo tshiab.

49. Yog tias kuv tus neeg ua haujlwm nug tias nws khwv tau lossis tau siv ESST ntau npaum li cas lawm, kuv puas yuav tsum tau muab lus teb rau cov lus thov?

Tau kawg. Yog tias ib tus neeg ua haujlwm thov cov ntaub ntawv hais txog cov ESST ntau npaum li cas uas lawv khwv tau, suav nrog tag nrho cov us tseem tshuav, cov uas khwv tau, thiab cov uas tau siv mus lawm, tus tswv ntiav haujlwm yuav tsum sau ua ntaub ntawv teb lossis teb hauv cuab yeej siv hluav taws xob tsis pub dhau 24 teev. Yog tias tus neeg ua haujlwm xav siv qhov ESST tam sim ntawd, tus tswv ntiav haujlwm yuav tsum muab lus teb sai li sai tau.

Kuv yuav tsum tau ua dab tsi rau kuv cov neeg ua haujlwm txhawm rau kom ua raws li txoj cai ESST?

50. Puas yog muaj tej co tswv ntiav haujlwm raug zam los ntawm txoj cai ESST no?

Tsoomfwv Meskas, lub Xeev Minnesota, thiab lwm lub nroog lossis tsoomfwv hauv zos yog raug zam, suav nrog cov tsev kawm ntawv tsoom fwv. Tsis muaj lwm hom chaw ua haujlwm raug zam.

51. Thaum twg tsab cai ESST mam pib siv tau rau kuv qhov lag luam?

**Cov neeg ua haujlwm Puv-Sijhawm, Ib
Nrab Sijhawm, lossis ua ib ntus**

Hnub pib siv ESST

24 leej	Lub Xya Hli
23 leej	Lub Ib Hlis 1,

52. Lub Nroog yuav ntsuas qhov loj me ntawm ib tus tswv lag luam li cas txhawm rau cov hom phiaj ntawm kev txiav txim siab tias thaum tus tswv lag luam mam dhau los nce rau txoj cai ESST?

Lub Nroog yuav saib rau tus naj npawb ntawm tag nrho cov neeg ua haujlwm puv sijhawm, cov ua ib nrab sijhawm, cov ua ib ntus, lossis cov uas tau nyiaj them thaum nyob hauv kev hu xov tooj rau uas tus tswv haujlwm muaj nyob hauv nroog Saint Paul.

53. Puas yog tias cov koom haum tsis yog ua lag luam raug zam?

Tsis yog, txoj cai no tsis zam rau cov koom haum tsis yog lag luam.

54. Kuv lub tuam txhab muaj ntau lub chaw ua hauj lwm - qee lub nyob hauv nroog Saint Paul, qee lub tsis nyob. Txoj cai ESST no siv tau rau li cas?

Tsuas siv tau txoj cai ESST rau cov neeg ua hauj lwm uas ua haujlwm hauv nroog Saint Paul rau ib tug tswv haujlwm uas muaj lub chaw ua hauj lwm nyob rau hauv nroog Saint Paul xwb.

55. Puas yog tus tswv ntiav haujlwm yuav tsum ua tiav cov ntaub ntawv lossis xa lwm yam ntawv tuaj kom thiaj li ua raws li txoj cai ESST?

Tsis yog, cov tswv hauj lwm tsis tas yuav xa dab tsi rau Lub Nroog li. Yog hais tias muaj kev tsis txaus siab, Lub Nroog muaj cai thov thiab kom tau txais cov ntaub ntawv los ntawm tus tswv haujlwm uas qhia txog:

1. cov xuaj moos tau ua haujlwm los ntawm tus neeg ua haujlwm
2. kev khwv tau cov sij hawm so thaum muaj mob thiab so rau kev nyab xeeb uas tau nyiaj them
3. kev siv ntawm cov sij hawm so thaum muaj mob thiab so rau kev nyab xeeb uas khwv tau

56. Kuv yuav tsum tau khaw cov ntaub ntawv tseev tseg txog ESST cia ntev npaum li cas?

Yam tsawg kawg yog peb lub xyoos.

57. Cov koom haum ntiav neeg ua hauj lwm no yuav raug saib li cas?

Cov neeg ua haujlwm ib ntus uas ua haujlwm rau ib lub koom haum nrhiav neeg ua haujlwm raug suav hais tias yog cov neeg ua haujlwm ntawm lub koom haum nrhiav neeg ua hauj lwm ntawd. Lub koom haum nrhiav neeg ua haujlwm yuav tsum nyob hauv nroog Saint Paul kom nws cov neeg ua haujlwm thiaj raug nce rau txoj cai ESST.

Piv Txwv #1: Tuam txhab ABC Staffing yog nyob rau hauv nroog Minnetonka. Nws tau muab ntau tus neeg ua haujlwm ib ntus rau tuam txhab A1 Recycling, Inc., uas nyob hauv nroog Saint Paul. Vim tias tuam txhab ABC Staffing tsis nyob hauv nroog Saint Paul, yog li tuam txhab ABC Staffing thiab tuam txhab A1 Recycling yuav tsis tau txais txoj cai ESST rau cov neeg ua haujlwm ib ntus no.

Piv Txwv #2: Tuam txhab XYZ Staffing yog nyob hauv nroog Saint Paul. Nws muab yim tus neeg ua haujlwm rau tuam txhab Beaver Lumber Yard, uas nyob hauv nroog Crystal. Yim tus neeg ua haujlwm no yuav tsis nce rau txoj cai ESST vim tias lawv tsis ua haujlwm hauv lub chaw ua haujlwm nyob hauv nroog Saint Paul.

Piv Txwv #3: Tuam txhab MNO Staffing yog nyob rau hauv nroog Saint Paul thiab muab ntau tus neeg ua haujlwm ib ntus rau tuam txhab Precision Engineering Corp., uas kuj nyob rau hauv nroog Saint Paul no thiab. Tuam txhab MNO Staffing muaj lub luag haujlwm los muab txoj cai ESST rau cov neeg ua haujlwm ib ntus thaum lawv tseem ua haujlwm nyob rau hauv nroog Saint Paul.

58. Yuav muaj dab tsi tshwm sim yog tias ib tus tswv haujlwm hloov ib tus neeg ua haujlwm mus rau lwm qhov chaw lossis lwm chav haujlwm nyob rau sab nraud ntawm nroog Saint Paul?

Tus neeg ua haujlwm yuav tsis raug duav los ntawm txoj cai ESST rau cov xuaj moos ua haujlwm sab nraud ntawm lub nroog Saint Paul. Yog tias tus neeg ua haujlwm ntawd raug xa rov qab los ua haujlwm rau hauv lub chaw ua haujlwm hauv nroog Saint Paul tsis pub dhau peb lub xyoos, tus neeg ua haujlwm ntawd muaj cai tau txais cov ESST yav tag los uas koj khwv tau. Tus tswv haujlwm muaj lub luag haujlwm khaws cov ntaub ntawv teev tseg txog ntawm tus neeg ua haujlwm ntawd li ESST rau ncuaj sij hawm peb lub xyoos.

Piv txwv: Leon ua haujlwm rau tuam txhab CreekPrint, uas yog lub chaw ua lag luam kev luam ntaub ntawv tus kheej ua tswv thoob tebchaws, uas muaj lub chaw ua haujlwm nyob rau hauv nroog Saint Paul. Leon tau txais 60 teev ntawm ESST. Nws hloov mus ua haujlwm rau lub chaw ua haujlwm hauv nroog Shakopee thiab ua haujlwm nyob tov tau ob xyoos ua ntej hloov rov qab los ua rau hauv nroog Saint Paul. Leon tsis tau txais ESST thaum ua haujlwm nyob rau hauv nroog Shakopee vim nws nyob sab nraud ntawm ciam nroog Saint Paul. Thaum lub sij hawm Leon rov qab los rau hauv nroog Saint Paul nws yuav rov tau txais cov ESST txuas ntxiv mus ntawm qhov 60 teev qub uas twb muaj nyob lawm.

Piv txwv: Sarah ua haujlwm rau Saint Paul Legal Services. Nws tau txais 40 teev ntawm ESST. Nws tus tswv haujlwm hloov nws mus rau hauv nroog Woodbury, uas nws ua haujlwm txuas ntxiv mus 4 lub xyoos. Tom qab ntawd nws raug xa rov qab los rau hauv nroog Saint Paul. Nws tsis muaj cov sij hawm ESST tshuav lawm.

59. Kuv puas tuaj yeem tib teg muab ua ntej tag nrho cov sij hawm ESST thaum pib ntawm lub xyoo rau kuv cov neeg ua haujlwm?

Tau kawg. Lub chaw haujlwm muaj peev xwm muab 48 teev ua ntej hauv thawj lub xyoo, thiab muab 80 teev nyob rau txhua xyoo tom qab ntawv.

Piv txwv: Natasha ua haujlwm rau lub chaw kho tsiaj mob Sweet Purrfection, uas tau muab cov sij hawm ntawm ESST rau tag nrho nws cov neeg ua hauj lwm ib leeg yog 48 teev nyob hauv xyoo 2017. Pib hauv xyoo 2018, thiab rau txhua xyoo tom qab ntawd, Sweet Purrfection tau muab 80 teev ntawm cov sij hawm ESST rau txhua tus neeg ua haujlwm, uas yog muaj rau siv tam sim ntawd. Sweet Purrfection yeej ua tau raws li txoj cai ESST. LUS CIM: Sweet Purrfection kuj tseem tuaj yeem muab sijhawm li 48 teev ntawm ESST txij lub Xya Hli 1, 2017 txog rau lub Rau Hli 30, 2018, thiab tom qab ntawd muab sijhawm 80 teev nyob rau txhua lub xyoo tom qab (ib lub xyoo tshaj qhia pib lub Xya Hli 1).

60. Qee tus ntawm kuv cov neeg ua hauj lwm tau teem sijhawm mus ua haujlwm txij 5 teev tsaus ntuj txog 1 teev sawv ntxov. Txawm li cas los xij, yog tias kev lag luam qeeb, kuv cia ib tus lossis coob dua tawm mus tsev ntxov dua. Puas yog kuv yuav tsum muab cov ESST rau tag nrho ncuaj sij hawm ua hauj lwm yim xuab moo?

Tsis tau. Tus neeg ua hauj lwm tsuas khwv tau qhov ESST nyob rau cov xuaj moos tau ua haujlwm xwb.

Piv txwv: Anthony yog ib tus muab kev pab rau CattleKing, uas yog ib lub tsev noj mov burger. Vim tias kev lag luam nyob rau hnuv Thursday hloov pauv, Anthony tuaj thaum 5 teev tsaus ntuj los ua nws ncuaj sij hawm ua haujlwm yim teev. Txawm li cas los xij, vim kev lag luam mus qeeb yog li tus thawj tswj hwm cia nws tawm mus tsev thaum 9 teev tsaus ntuj. CattleKing tsuas yog yuav xam cov sij hawm ESST raws li plaub teev uas Anthony tau ua haujlwm tiag tiag xwb.

61. Kuv muaj ib tus neeg ua hauj lwm tau teem sijhawm mus ua haujlwm txij 5 teev tsaus ntuj txog 1 teev sawv ntxov. Nws hu tuaj tias nws mob thiab tau siv cov sij hawm ESST. Kev lag luam tau mus tsis tshuas zoo hmo ntawd, thiab kuv yuav tau xa kuv tus neeg ua haujlwm mus tsev thaum 9 teev tsaus ntuj. Kuv puas yuav tsum tau muab ESST rau tag nrho cov teev hauv lawv ncuaj sij hawm ua hauj lwm?

Yog lawm, koj yuav tsum tso cai rau lawv siv ESST rau tag nrho lawv cov teev hauv ncuaj sij hawm tau teem tseg ua hauj lwm.

62. Kuv puas tuaj yeem muab cov sij hawm so thaum muaj mob ntau dua li qhov sam fwm los ntawm txoj cai lij choj rau kuv cov neeg ua hauj lwm?

Tau kawg. Cov tswv ntiav haujlwm tuaj yeem muab hnuv so pub dawb ntxiv.

63. Ib tus neeg ua hauj lwm ntawm kuv cov neeg ua haujlwm tawm haujlwm. Kuv yuav ua li cas rau lawv li ESST uas tsis tau siv?

Khaws cia tus neeg ua haujlwm cov ntaub ntawv tsawg kawg peb xyoos. Tus neeg ua haujlwm muaj cai rov tau lawv li ESST yog tias tau rov qab ua haujlwm nyob rau hauv ncuaj sij hawm 90 hnub. Koj tsis tas yuav them nyaj rau koj tus neeg ua haujlwm cov sij hawm ESST uas tsis tau siv.

64. Kuv cov neeg ua haujlwm thiab kuv muaj daim ntawv cog lus pom zoo kom nqi ua ke (CBA) nrog ib lub koom haum. Puas yog lawv raug zam los ntawm txoj cai ESST no?

Tsis tau.

65. Yuav muaj dab tsi tshwm sim yog tias kuv txoj lag luam raug muas, lossis ua tiav, rau lwm txoj lag luam?

Txhua tus neeg ua haujlwm ntawm thawj tus tswv ntiav haujlwm uas tseem ua haujlwm rau tus tswv zog txuas ntxiv yuav khaws tau cia lawv li ESST. Tus tswv haujlwm tshiab ua lub luag haujlwm los xyuas kom ntseeg tau tias txhua tus neeg ua haujlwm cov xuaj moos ua haujlwm uas tau ua haujlwm, cov ESST uas khwv tau, thiab cov ESST uas siv tag mus lawm yog muaj teev tseg ua ntaub ntawv thiab suav rov qab rau peb lub xyoos.

66. Kuv yuav tuaj yeem mus saib txoj cai no thiab cov kev cai tswj hais txog ESST nyob rau qhov twg?

[Saint Paul Legislative Tsab Cai Nqe XXIII, Tshooj 233.01 - 233.21.](#) "Pej Xeeb Txoj Kev Noj Qab Haus Huv, Kev Nyab Xeeb thiab Kev Noj Qab Nyob Zoo"

Cov kev cai tswj hais txog ESST: www.stpaul.gov/esst.

67. Ua ib tus tswv haujlwm, kuv puas raug tseev kom cia kuv cov neeg ua haujlwm khwv tau thiab siv cov ESST thaum cov sijhawm ua haujlwm dhau sij hawm uas lawv yeem ua?

Tau kawg. Cov neeg ua haujlwm khwv tau ESST rau txhua lub sijhawm lawv ua haujlwm, thiab yuav tsum tuaj yeem siv ESST thaum lub sijhawm lawv tau raug teem sij hawm rau mus ua haujlwm, txawm tias lawv yuav yeem los tsis yeem ua haujlwm nyob rau hauv ib ncuaj sij hawm ua haujlwm. Txawm li cas los xij, cov tswv haujlwm tsis tas yuav muab ESST nyob rau hauv cov xuaj moos ua haujlwm tshaj sij hawm yog tias lawv muaj txoj cai PTO uas siab dav dua li qhov xav tau hauv txoj cai ESST.

68. Ua ib tus tswv haujlwm, kuv puas yuav tsum tso cai rau ib tus neeg ua haujlwm xaiv tau los siv ESST nyob rau lub sijhawm uas lawv raug ncuaj haujlwm lossis so haujlwm vim raug rau txim?

Tsis tau. Tus tswv haujlwm tsis tas muab ESST rau ib tus neeg ua hauj lwm thaum lawv raug ncuu ua haujlwm vim kev rau txim.

69. Kuv yog tus tswv lag luam tib leeg kheej; kuv tsis muaj ib tus neeg ua haujlwm li. Kuv puas nce rau txoj cai lij choj no?

Tsis yog, txoj cai lij choj no tsuas yog siv rau cov neeg ua haujlwm ntawm lub tuam txhab xwb, tsis yog tus tswv ntawm lub tuam txhab.

70. Kuv yog ib tus neeg cog lus ua haujlwm tsim kho vaj tse. Txoj kev zam rau cov nyiaj nqi zog uas nthuav dav yuav siv tau li cas?

Txoj kev zam rau cov nyiaj nqi zog uas nthuav dav pub rau cov neeg cog lus ua hauj lwm tuaj yeem zam qhov uas yuav tsum tau ua ntawm txoj cai ESST rau cov xuaj moos uas lawv them nyiaj rau koj sib npaug li tus nqi them nyiaj nqi zog nthuav dav rau lawv cov neeg ua hauj lwm tsim kho cov kev ntos hauj lwm lossis kev lag luam ntawm tus neeg ua hauj lwm. Tus nqi them nyiaj nqi zog nthuav dav yuav tsum nce raws Minnesota Lub Chaw Haujlwm Saib Xyuas Kev Ua Haujlwm thiab Kev Lag Luam qhov kev txiav txim txog nyiaj nqi zog siv tau uas tau tshaj tawm hauv peb lub xyoos dhau los. Yog thaum twg uas ib tus neeg ua hauj lwm tsis tau txais nyiaj them raws tus nqi nyiaj nqi zog nthuav dav, tus neeg ua hauj lwm pib khwv tau thiab nce cov sij hawm ESST.

Piv Txwv #1: Aaron yog tus kws pua nplais zeb plag tsev rau tuam txhab Shiny Tile, uas yog nyob hauv nroog Blaine. Aaron ua haujlwm rau cov haujlwm them nyiaj raws tus nqi nyiaj nqi zog nthuav dav thiab cov haujlwm uas tsis tau txais them nyiaj raws tus nqi nyiaj nqi zog nthuav dav nyob thoob plaws hauv nroog Saint Paul. Aaron thiab Shiny Tile puas leej tsis raug rau txoj cai ESST vim tias tuam txhab Shiny Tile tsis nyob hauv nroog Saint Paul.

Piv Txwv #2: Wade tau raug ntiav ua tus kws ntoo rau tuam txhab Building Proz, Inc, yog ib lub tuam txhab hauv nroog Saint Paul, thaum lub Ib Hlis tim 1 thiab pib ua txoj haujlwm ncuu sij hawn tsib-lub hlis uas yuav tsum tau them nyiaj raws li lub xeev cov nyiaj them nqi zog nthuav dav, tom qab uas nws ua haujlwm rau cov num uas tsis raug them nyiaj cov nyiaj them nqi zog nthuav dav rau peb lub hlis ua ntej rov los ua haujlwm dua plaub-hli rau txoj num uas yuav tsum tau them nyiaj raws li lub xeev cov nyiaj them nqi zog nthuav dav. Txhua txoj haujlwm yog nyob hauv ciaj ciam ntawm lub nroog Saint Paul. Thaum raug ntiav ua haujlwm rau cov haujlwm tsis yog txoj haujlwm them nyiaj nqi zog nthuav dav, Wade khwv tsis tau nyiaj ntau txaus los ua kom tau raws li lub xeev tus nqi cov nyiaj them nqi zog nthuav dav. Wade yuav khwv tau thiab tau txais sij hawm ESST rau peb lub hlis uas nws tsis tau nyiaj them npaum li tus nqi nyiaj them nqi zog nthuav dav.

Piv Txwv #3: Jennifer ua haujlwm kws hluav taws xob rau tuam txhab Elektro Wiring Co., uas yog ib lub tuam txhab nyob hauv nroog Saint Paul, thiab ua haujlwm rau cov hauj lwm uas tau txais peev nyiaj pab ntiag tug (piv txwv li, tsis muaj cov kev cai ntawm tus nqi nyiaj them nqi zog nthuav dav raug siv) nyob rau hauv nroog Saint Paul. Tus nqi nyiaj them raws xuab moo siab dua tus nqi nyiaj them nqi zog nthuav dav rau kws kho hluav taws xob nyob rau hauv xeev Minnesota Lub Chaw

Haujlwm Saib Xyuas Kev Ua Haujlwm thiab Kev Lag Luam qhov kev txiav txim txog nyiaj nqi zog tau tshaj tawm hauv peb lub xyoos dhau los. Jennifer tsis tau txais ESST.

Piv Txwv #4: Abby yog Tus Neeg Siv Khoom Hnyav ua haujlwm rau ib txoj haujlwm nyob hauv nroog Saint Paul uas yuav tsum tau them nyiaj raws li tsoomfww cov nyiaj them nqi zog nthuav dav. Nws tus tswv haujlwm, Mega Machine, yog ib lub tuam txhab nyob hauv nroog Saint Paul, yuav tsum tau tso cai rau nws tau txais ESST thaum nws ua txoj haujlwm no vim tias nws yog tsoomfww cov nyiaj them nqi zog nthuav dav thiab tsoomfww tus nqi rau nws cov khoom siv tes ua, Tus Neeg Siv Khoom Hnyav, yog tsawg dua li lub xeev tus nqi nyiaj them nqi zog nthuav dav rau cov nqi tes ntawd. Txawm li cas los xij, Mega Machine tuaj yeem xaiv los nce ntxiv Abby cov nyiaj xuaj moos los ua lub xeev cov nqi nyiaj them nqi zog nthuav dav uas yuav tsum tau them rau nws cov nqi tes, yog li lawv yuav tsis tas muab ESST rau lub sijhawm uas Abby ua haujlwm noj nyiaj xuab moo ntawd. LUS CIM: Yog tias tsoomfww tus nqi nyiaj them nqi tes lossis nqi lag luam sib npaug lossis siab dua lub xeev tus, Mega Machine tsis tas yuav tsum muab ESST.

71. Kuv yog ib tus neeg cog lus ua haujlwm tsim kho vaj tse. Txoj kev zam rau cov nyiaj nqi zog uas nthuav dav yuav siv tau li cas rau neeg xyaum haujlwm?

Yog tias tus neeg kawm haujlwm nyob hauv cov kev pab cuam xyaum haujlwm uas tau tso npe hauv xeev los sis cov kev pab cuam lossis zoo sib xws li ntawd thiab tau txais nyiaj them yam tsawg kawg yog npaum li tus nqi uas yuav tsum tau them nyob rau hauv txoj kev kawm, ESST cov cai tsis siv. Yog thaum twg uas ib tus neeg ua haujlwm yuav tsis tau txais nyiaj them raws tus nqi nyiaj neeg kawm haujlwm ntxiv lawm, tus neeg ua haujlwm pib khwv tau thiab nce cov sijhawm ESST.

72. Kuv tab tom pib kev lag luam tshiab thiab yuav ntiav cov neeg ua haujlwm sai sai no. Puas muaj kev zam rau cov tswv lag luam tshiab?

Tau kawg. Kom txog ntua lub Ib Hlis 1, 2023, txhua tus tswv haujlwm tshiab yuav tsum tau muab cov sijhawm ESST tsis them nyiaj rau lawv cov neeg ua haujlwm thaum thawj rau lub hlis tom qab lawv ntiav lawv cov neeg ua haujlwm tuaj ua haujlwm. Tom qab rau lub hlis dhau mus, koj yuav tsum pib muab cov sijhawm ESST uas tau txais nyiaj them rau.

Piv txwv: Shawna qhib ib lub khw muag npav txais tos thaum lub Ib Hlis 1, 2018. Lub Plaub Hlis tim 1, nws ntiav ob tus neeg ua haujlwm. Txij lub Plaub Hlis tim 1 txog rau lub Cuaj Hlis tim 30, nws yuav tsum muab cov sijhawm ESST tsis tau txais kev them nyiaj rau nws ob tug neeg ua haujlwm, raws li cov teev uas tau ua haujlwm. Pib lub Kaum Hlis tim 1, nws yuav tsum muab cov sijhawm ESST uas tau txais nyiaj them Yog tias ib tus neeg ua haujlwm siv cov xuaj moos ESST ua ntej lub Kaum Hli tim 1, Shawna tsis tas yuav them nyiaj rau lawv rau cov sijhawm ESST uas raug siv lawm.

Kev Siv ESST

73. Ib tus neeg ua hauj lwm tuaj yeem siv lub sij hawm so thaum muaj mob rau dab tsi?

Ib tus neeg ua hauj lwm tuaj yeem siv lub sijhawm so thaum muaj mob uas tau txais rau qhov kev qhaj hauj lwm uas tshwm sim vim tus neeg ua hauj lwm lub hlwb lossis lub cev mob, raug mob, lossis muaj mob nkeeg; txhawm rau pab cuam tus neeg ua hauj lwm txoj kev xav tau kev kuaj mob, kev saib xyuas, lossis kev kho mob ntawm lub hlwb lossis lub cev mob, kev raug mob, lossis kev mob nkeeg; lossis ib tus neeg ua hauj lwm xav tau kev kho mob tiv thaiv kab mob.

Cov neeg ua hauj lwm tseem tuaj yeem siv lub sij hawm ESST los muab kev saib xyuas ib tus neeg hauv tsev neeg rau cov laj thawj sib xws li no.

74. b tus neeg ua hauj lwm tuaj yeem siv lub sij hawm so rau kev nyab xeeb rau dab tsi?

Ib tus neeg ua hauj lwm tuaj yeem siv lub sij hawm ESST rau qhov kev qhaj hauj lwm vim yog muaj kev tsim txom hauv tsev, kev quab yuam deev lossis soj qab taug lw tus neeg ua hauj lwm tus kheej lossis ib tug neeg hauv Ib tus neeg ua hauj lwm tsev neeg yog tias qhov kev qhaj raug siv los:

- 1) nrhiav kev kho mob ntsig txog qhov kev raug mob rau lub cev lossis lub hlwb;
- 2) Tau txais kev pabcuam los ntawm lub koom haum pab cuam neeg raug ua phem;
- 3) tau txais kev pab sab laj;
- 4) nrhiav kev pab tswv yim fab cai lij choj lossis tuaj koom cov txheej txheem kev hais plaub ntug, lossis;
- 5) rau lwm cov laj thawj ntsig txog kev nrhiav kev nyab xeeb los ntawm tus neeg raug liam tias yog tus neeg ua phem ntawm kev tsim txom hauv tsev, kev yuam deev, lossis soj qab taug lw.

Cov neeg ua hauj lwm kuj tuaj yeem siv tau lub sij hawm kev nyab xeeb

- 1) rau ib qho kev qhaj hauj lwm uas cuam tshuam txog kev kaw tus neeg ua hauj lwm li lossis ib tus neeg hauv tus neeg ua hauj lwm tsev neeg lub chaw ua lag luam uas yog muaj lus txib los ntawm tub ceev xwm txhawm rau twv txiav tsis pub neeg kis tus kab mob, kuab lom, lossis cov khoom siv phom sij;
- 2) los muab kev pab cuam rautus neeg ua hauj lwm qhov kev xav saib xyuas ib tus neeg hauv tsev neeg uas nws lub tsev kawm ntawv lossis chaw saib xyuas raug kaw vim huab cua phem, tsis muaj hluav taws xob, tsis muaj cua sov, dej tu, lossis lwm yam kev kaw uas paub tsis txog.

75. Leej twg thiaj raug xam tias yog ib tus neeg hauv tsev neeg hauv txoj cai ESST?

Ib tus neeg hauv tsev neeg muaj peev xwm yog tus neeg ua hauj lwm tus menyuam, tus menyuam uas tus txij nkawm koj los, tus menyuam koj los tu, tus menyuam qhuav, tus me nyuam uas loj lawm, tus txij nkawm, tus nus muag, niam txiv, niam tshiab txiv tshiab, niam tais, yawm txiv, xeeb ntxwv, pog yawg, tus khub nyob ua ke uas tsis tau sib yuav raws li txhais hauv [Nroog Saint Paul Txoj Cai ntawm Txoj Kab Ke nqe 186.02](#), thiab ib tug neeg twg uas sib txheeb los ntawm koom roj ntshav lossis kev sib raug zoo ze nrog tus neeg ua hauj lwm yog sib npaug zos li kev sib raug zoo hauv tsev neeg. Rau cov hom phiaj ntawm ESST, "cuam tshuam nrog kev sib raug zoo" suav nrog, tab sis tsis txwv rau, ob tug neeg uas muaj kev sib raug zoo los ntev los yog ob tug neeg los yog ntau tus neeg uas nyob ua ke thiab muab kev pab nyiaj txiag los yog sib txhawb nqa fab nyiaj txiag. Lub Nroog tseem yuav muab koj los xav hais txog kev npaj rau tsev neeg xws li kev sib raug zoo ntawm tsev neeg uas muaj ntau phaj nyob ua ke los yog tsev neeg uas ncau los deb heev nyob ua ke thaum txiav txim seb ua li puas muaj ib qhov kev txheeb ze sib cuam tshuam tiag.

76. Lub Nroog txhais lo tias “tus neeg hauv tsev neeg” yog “ib tug neeg twg sib cuam tshuam los ntawm roj ntsha lossis kev sib ze uas muaj kev sib raug zoo nrog tus neeg ua haujlwm yog sib npaug zos li kev sib raug zoo hauv tsev neeg.” Qhov no txhais tau li cas thiab lub ntsiab lus txhais tau li cas txuas ntxiv?

Lub Nroog tshab txhais lo tias “tus neeg hauv tsev neeg” dav heev. Qhov laj thawj yog kom los duav cov xwm txheej uas cuam tshuam nrog tus qauv tsev neeg uas tsis yog tus qauv ib txwm muaj dhau los. Cov neeg hauv tsev neeg tuaj yeem yog ib feem ntawm tsev neeg muaj ntau phaj nyob ua ke (pog yawg, niam txiv thiab me nyuam txhua tus nyob ua ke). Nws kuj tseem yuav suav nrog cov tib neeg uas sib cuam tshuam los ntawm roj ntsha lossis tsis yog cuam tshuam fab roj ntsha, uas tsis nyob hauv tib lub tsev, tab sis los ntawm kev koj noj koj ua kab ke ntseeg tias lawv yog ib feem ntawm tsev neeg. Yog Lub Nroog tau txais cov lus tsis txaus siab lossis ua qhov kev tshawb xyuas, nws yuav saib ntawm cov yam ntxwv tseeb ntawm roj plaub.

Cov tswv lag luam raug txhawb kom saib rau txhua qhov xwm txheej thiab txiav txim siab kom tsim nyog txog seb tus neeg ua haujlwm puas muaj kev sib raug zoo hauv tsev neeg. Lub ntsiab lus txhais no yuav suav nrog tus khub uas tsis tau sib yuav los ua txij nkawm thiab cov khub hauv chav tsev.

77. Ib tus neeg ua hauj lwm puas tuaj yeem siv ESST rau kev teem caij mus ntsib kws kho mob, kws kho hniav lossis kho qhov muag?

Tau ka

wg. *78. Cov neeg ua hauj lwm puas tuaj yeem siv ESST rau kev saib xyuas kev noj qab haus huv ntawm cov menyuam yaus muaj hnuv nyoog lawm?*

Tau ka

wg. *79. Cov niam txiv puas tuaj yeem siv cov hnub so thaum muaj mob tom qab yug menyuam?*

Cov niam txiv tuaj yeem siv ESST tom qab yug me nyuam yog tias siv rau cov hom phiaj kev kho mob lossis kev noj qab haus huv, tab sis tsis yog siv rau cov hom phiaj kev tu menyuam mos yug tshiab los yog koom rau tsev neeg. Txoj Cai Txog So Hauj Lwm Rau Tsev Neeg Kev Kho Mob (FMLA) tso cai so tsis them nyiaj rau cov hom phiaj kev saib xyuas tsev neeg.

80. Tus tswv haujlwm puas tuaj yeem hais ib tus neeg ua hauj lwm kom siv qhov tsawg kawg nkaus ntawm cov sij hawm so thaum muaj mob thiab rau kev nyab xeeb uas khwv tau?

Tau kawg, ib tus tswv haujlwm tuaj yeem hais ib tus neeg ua hauj lwm kom siv qhov tsawg kawg nkaus ntawm cov sij hawm ESST tauj kev thov ib zaug. Txawm li cas los xij, nws tsis pub btau tshaj plaub teev nce mus.

Piv Txwv #1: Luther yog tus tswv ntawm Best Shine Auto Detailing. Nws tau hais qhia rau nws cov neeg ua haujlwm txog ntawm qhov tsawg tshaj plaws ntawm cov sij hawm ESST uas lawv tuaj yeem siv tau yog rau teev. Luther ua txhaum txoj cai ESST vim tias qhov kev tsim kho tshawg tshaj plaws ntawm cov sij hawm yuav tsis pub dhau plaub teev.

Piv Txwv #2: Ramona muaj kev teem sij hawm mus tshuaj ntsuam mob tsis tu ncuu thaum 8 teev sawv ntxov. Ramona paub tias nws yuav muaj peev xwm mus ua tau haujlwm thaum 10:00 teev sawv ntxov, yog li nws thov sij hawm ESST 2 teev los pab them nws qhov teem caij. Lub tuam txhab txoj cai tseev kom nws siv lub sij hawm ESST yam tsawg kawg 3 teev. Qhov no yog tso cai tau vim tias qhov xav tau tsawg kawg nkaus rau siv ntawm ESST tsis tshaj 4 teev.

81. Yog tias ib tus neeg ua hauj lwm muaj mob thaum ib nrab ntawm lub caij so hauj lwm uas tau teem tseg, tus neeg ua hauj lwm puas tuaj yeem siv lub sijhawm so rau thaum muaj mob tau?

Tsis tau. Tus neeg ua haujlwm tsis tuaj yeem thov lub sij hawm no ua lub sij hawm so thaum muaj mob vim tus neeg ua haujlwm tsis raug teem sijhawm mus ua haujlwm thaum lub caij so haujlwm no.

82. Ib tus neeg ua hauj lwm puas tuaj yeem ua hauj lwm kom ntau teev ntxiv lossis sib hloov ncuu sij hawm ua haujlwm es tsis siv qhov sij hawm so thaum muaj mob?

Tau kawg, tab sis tsuav yog tias tau pom zoo los ntawm tus tswv hauj lwm thiab tus neeg ua hauj lwm. Tus tswv ntiav haujlwm tsis tuaj yeem hais kom tus neeg ua haujlwm hloov ncuu sij hawm ua haujlwm.

83. Ib tus tswv haujlwm puas tuaj yeem hais ib tus neeg ua hauj lwm kom ua hauj lwm hauv xov tooj lossis ua hauj lwm nyob tom tsev es tsis txhob siv

cov sij hawm so thaum muaj mob thiab rau kev nyab xeeb uas tau nyiaj them?

Tsis tau, tab sis tus tswv hauj lwm tuaj yeem muab kev xaiv rau tus neeg ua hauj lwm xaiv ua hauj lwm nyob rau tom tsev es tsis txhob siv cov sij hawm ESST tau.

84. Yuav tsum them qhov ESST sai npaum li cas tom qab nws raug siv lawm?

ESST yuav tsum raug them thaum lub sij hawm uas ib tus tswv hauj lwm yuav tau nyiaj them rau cov neeg ua hauj lwm rau lawv cov xuaj moos uas tau teem tseg, raws li tus tswv hauj lwm lub caij teem tseg rau them nyiaj hli.

85. Puas yog tias kev khwv tau cov sij hawm ESST thiab kev nqa mus tom ntej yuav tsum tau ua raws li ncuaj sij hawm ib lub xyoos thaum lub Ib Hlis tim 1 txog lub Kaum Ob Hlis tim 31?

Tsis yog. Lub Nroog teev tseg tias "ib lub xyoo" yog ncuaj sij hawm 12 lub hlis sib law sib liag twg uas tau txiav txim los ntawm koj qhov chaw ua haujlwm.

Piv txwv: Tuam txhab Trusti Bread Co. siv lub sij hawm peev nyiaj xyoo thaum laij cov txiaj ntsig sib txuam kom dhos nrog kev tshaj tawm se. Nws pib txij lub Plaub Hlis tim 1 txog lub Peb Hlis tim 31. Lawv siv qhov kev pab cuam uas kaw cia thiab taug qab xyuas cov ntaub ntawv. Vim tias nws tau teev ua ntaub ntawv tseg thiab txwm 12 lub hlis sib law sib law liag, nws ua tau raws li txoj cai ntawm ESST.

86. Yog tias kuv them nyiaj rau cov kev ua hauj lwm dhau sijhawm ntawm kuv cov neeg ua haujlwm, kuv puas tuaj yeem txiav tawm cov sij hawm ESST uas tau siv rau lub sij hawm tau teem tseg ua hauj lwm dhau sij hawm hauv tus nqi 1.5 teev?

Tsis tau. Cov sij hawm ESST yog raug txiav tawm ua xuaj moos, txawm tias tau siv los them qhov kev ua hauj lwm dhau sij hawm los xij.

87. Yog tias ib tus tswv haujlwm muaj txoj qhov kev pab cuam sib faib so (qee zaum hu ua "Vacation Donation"), cov neeg ua hauj lwm puas tau kev tso cai rau pub cov sij hawm ESST tsis tau siv rau thoob plaws lub tuam txhab, txoj phiaj xwm hnuv so tau nyiaj them?

Tau kawg, yog tias tus neeg ua hauj lwm thiab tus tswv haujlwm sib pom zoo ua li ntawd.

88. Ib tus neeg ua hauj lwm puas tuaj yeem hloov ncuaj sij hawm ua hauj lwm lossis ntxiv cov xuab moo ua haujlwm es tsis siv qhov ESST?

Tau kawg, yog tias tus tswv haujlwm thiab tus neeg ua hauj lwm sib pom zoo ua li ntawd. Cov tswv ntiav haujlwm tsis tuaj yeem hais kom ib tus neeg ua haujlwm muag ncuaj sij hawm ua haujlwm.

89. *Puas yog yuav tsum tau them nyiaj ntsuab thaum cov neeg ua haujlwm tawm lawv txoj haujlwm?*

Tsis tau. Cov tswv haujlwm tsis raug yuam kom them nyiaj rau cov sij hawm ESST uas tsis tau siv thaum ib tus neeg ua haujlwm tawm haujlwm lossis cais haujlwm.

90. *Puas yog them ua nyiaj ntsuab raug tso cai raws li txoj cai?*

Yog tias tus tswv haujlwm thiab tus neeg ua haujlwm pom zoo, cov sij hawm ESST uas tsis tau siv tuaj yeem raug tshem ua nyiaj ntsuab yog tias tus neeg ua haujlwm tau txais ESST raws li txoj hau kev muab tib zaug tag nrho rau ua ntej. Yog tias tus neeg ua haujlwm tau txais ESST nyob rau hauv txoj kev maj mam khwv nce, tus tswv haujlwm yuav tsis them nyiaj ntsuab rau cov ESST uas tsis tau siv.

91. *Yog tias ib tus tswv ntiav haujlwm xav tias nws ib tus neeg ua haujlwm muaj mob tus tswv ntiav haujlwm puas tuaj yeem yuam kom tus neeg ua haujlwm so haujlwm thiab siv cov sij hawm ESST rau lawv qhov kev qhaj haujlwm?*

Nws nyob ntawm tus tswv ntiav haujlwm seb lawv puas xav kom ib tus neeg ua haujlwm so haujlwm los tsis kom yog tias muaj mob. Tab sis nws yog nyob ntawm tus neeg ua haujlwm seb lawv puas xav siv cov sij hawm ESST rau qhov kev qhaj ntawd los yog tsis siv.

Piv txwv: Yausua ua haujlwm hauv Snazzy Noodle, yog ib lub khw noj mov neeg Esxias. Hnub Saturday sawv ntxov Yausua tau mus ua haujlwm nws txham thiab hnoos. Nws tus thawj coj hais rau nws tias nws tsis tuaj yeem ua haujlwm tau vim nws mob thiab xa nws mus tsev. Nws nyob ntawm Yausuas seb nws xav siv cov sij hawm ESST lossis yuav siv sijhawm so tsis them nyiaj thaum lub sijhawm so ua haujlwm, yog tias nws ua raws li txoj cai ESST thiab tus tswv haujlwm cov cai.

92. *Ib tus tswv ntiav haujlwm puas tuaj yeem yuam ib tus neeg ua haujlwm kom siv ESST rau lwm cov laj thawj dua li cov uas tau teev tseg hauv txoj cai lawm?*

Tsis tau.

93. *Ib tus neeg ua haujlwm yuav tsum tau tos 90 hnub ua ntej lawv pib siv ESST. Qhov no raug xam li cas?*

Nws raug xam raws li 90 hnub sib law liag, suav nrog cov hnub so thiab hnub caiv, txij hnub pib ntawm lawv txoj haujlwm.

Piv Txwv #1: Andrew tau pib ua haujlwm rau Max's Mechanics ob hnuv tauj ib lim tiam nyob rau lub Peb Hlis 1, 2018. Andrew tuaj yeem pib siv ESST nyob rau lub Tsib Hlis 30, 2018 (tom qab 90 hnuv sib law liag).

Piv Txwv #2: Marsha pib ua haujlwm rau Quicky Car Service thaum lub Peb Hlis 1. Nws ua haujlwm ib hlis txwm nkaus ces tom qab ntawd so hauj lwm peb lub hlis rau so yug menyuum ua ntej rov qab tuaj ua haujlwm puv sijhawm. Marsha muaj peev xwm pib siv nws li ESST nyob rau thaum lub Rau Hli tim 1 vim tias lub sijhawm 90 hnuv sib law liag tau dhau mus suav txij li hnuv nws pib ua haujlwm.

94. *Kuv txoj cai ESST hais kom cov neeg ua hauj lwm yuav tsum siv cov sijhawm ESST li ntawm plaub teev nce mus. Txawm li cas los xij, kuv muaj ib tus neeg ua hauj*

lwm nyuam qhuav khwv tau peb teev ntawm cov sijhawm EAST xwb. Kuv puas tuaj yeem hais kom ib tus neeg ua hauj lwm tos kom txog thaum lawv tau txais cov sijhawm nto plaub teev ua ntej lawv siv tau ESST?

Tsis tau. Yog tias tus neeg ua hauj lwm tseem khwv tsis tau nto plaub teev, koj tsis tuaj yeem txwv tus neeg ua hauj lwm ntawm kev siv cov xuj moos uas lawv twb khwv tau lawm.

Piv txwv: Li ua haujlwm 40 teev nyob rau ib asthiv rau tsev noj mov Viet Fusion. Tsis ntev los no, Li tau siv tag nrho nws cov sijhawm ESST thiab rov pib khwv dua los ntawm 0 teev. Tom qab ua hauj lwm 60 xuj moos, nws tau txais 2 teev ntawm cov sijhawm EAST, ces nws tus menyuum xav mus ntsib kws kho mob. Li thov sijhawm so ESST 2 teev, tab sis nws tus tswv ntiav haujlwm ib txwm hais kom siv yam tsawg kawg ntawm 4 teev ntawm cov sijhawm ESST rau so ib zaug. Txawm hais tias lub tuam txhab muaj txoj cai, tab sis Viet Fusion tsis tuaj yeem tsis lees Li qhov kev thov.

95. *Yog tias kuv muab cov sijhawm tag nrho ua ntej rau kuv cov neeg ua haujlwm tab sis, tom qab ua haujlwm tau 90 hnuv, tus neeg ua haujlwm tau siv ESST thiab tawm hauj lwm lawm, kuv puas tuaj yeem kom them rov qab cov xuj moos ua haujlwm uas tus neeg ua haujlwm ntawd tsis tau khwv tau los ntawm kev rho tawm ntawm lawv cov nyiaj?*

Tsis tau, nyob rau hauv txoj cai ESST, ib tus tswv haujlwm tsis tuaj yeem kom them rov qab cov ESST uas tau siv mus lawm los ntawm tus neeg ua haujlwm. Txoj cai tso cai rau tus tswv haujlwm ua kom tau raws li txoj cai ESST los ntawm kev siv ob txoj hau kev xws li qhov txheej txheem ntawm kev maj mam khwv nce 1 xub moos ntawm ESST tauj 30 teev ua haujlwm, lossis cia li muab 80 teev rau ua ntej hlo. Ob txoj hauv kev puav leej siv tau. Ob txoj hauv kev no puas leej tsis pub cov tswv ntiav ua haujlwm kom them rov qab cov sijhawm ESST uas poob mus lawm. *Piv txwv: Morley tau txais ua ntej hlo 80 xuj moos ntawm ESST thaum pib ntawm xyoo 2019. Tom qab nws tau ua haujlwm tau 90 hnuv, nws siv cov sijhawm 80 teev ntawm ESST mus so tom qab raug mob los ntawm kev huam yuaj. Nws rov mus ua haujlwm li 30 teev tom qab ntawv mam li tawm hauj lwm. Nws tus tswv haujlwm yuav tsis tuaj yeem kom them rov qab cov sijhawm ESST uas tau siv mus lawm.*

96. Ob tus neeg ua haujlwm puas tuaj yeem siv ESST nyob rau tib lub sijhawm rau tib qho laj thawj?

Tau kawg, yog qhov laj thawj rau qhov kev qhaj ntawv raug pov thaiv nyob hauv txoj cai ESST.

Piv txwv: Stella thiab Bill nkawv ua haujlwm hauv tuam txhab Tool Time Manufacturing thiab muaj ob tug menyuam. Nkawv ob tus menyuam tau ua npaws thiab yuav tsum nyob hauv tsev tsis mus kawm ntawv. Stella thiab Bill nkawv ob leeg raug tso cai rau siv ESST los saib xyuas nkawv ob tug menyuam.

97. Ib tus tswv hauj lwm yuav tsum them nyiaj npaum li cas rau ib tus neeg ua hauj lwm rau cov ESST?

Tus neeg ua haujlwm yuav tsum tau txais nyiaj them ntawm lawv tus nqi them nyiaj ib txwm.

98. Kuv puas tuaj yeem nres kuv cov neeg ua hauj lwm cov sij hawm

ESST uas tau txais thaum lawv tau cov sij hawm nto qhov siab tshaj plaws uas lawv tuaj yeem siv tau nyob rau hauv ib lub xyoos lawm?

Tau kawg. Hauv lawv thawj xyoo ntawm kev ua haujlwm, tus neeg ua hauj lwm yuav tsum raug tso cai rau tau txais txog 48 teev ntawm cov sij hawm ESST, ntawm tus nqi lub sij hawm ua hauj lwm 30 teev yuav tau txais lub sij hawm ESST yog 1 teev. Nyob rau hauv cov xyoo tom qab no, tus neeg ua hauj lwm yuav tsum raug tso cai rau tau txais txog 80 teev. Thaum tus neeg ua haujlwm tau txog qhov siab kawg nkaus, lawv tsis tas yuav khwv kom tau ESST ntau ntxiv lawm Txawm li cas los xij, yog thaum twg lawv cov sij hawm poob los qis dua qhov siab tshaj plaws no, lawv yuav tsum raug tso cai rau khwv txuas ntxiv mus kom txog 48 teev nyob rau hauv ib xyoos, kom txog thaum lawv tau txog 80 teev qhov uas siab tshaj plaws.

99. Ib tus tswv ntiav haujlwm puas tuaj yeem teev lub sijhawm ruaj rau kev siv ESST uas sib dhos nrog cov sij hawm tsis tu ncu?

Tau kawg. Tej zaum ib tus tswv haujlwm yuav hais kom ib tus neeg ua hauj lwm siv sijhawm so ua tej xuab moo uas sib dhos rau hauv cov xuaj moos ua hauj lwm ntawm ib hnuv.

Piv txwv: Jill muaj kev teem caij ntsib kws kho mob thaum 10:00 txog 10:45 thiab xav so hauj lwm ib teev thiab peb caug feeb, txij thaum 9:45 txog 11:15. Nws tus tswv ntiav haujlwm muaj peev xwm hais kom nws siv lub sijhawm so kom nto xuab moo kiag. Hauv qhov no, nws tus tswv ntiav haujlwm tuaj yeem hais kom nws so thaum 9:00 txog 12:00, lossis 10:00 txog 11:00, thiab lwm yam.

Cov Cai Rau Ceeb Toom Chaw Ua Haujlwm thiab Cov Ntawb Ntawv Teev Tseg

100. Puas yog cov tswv haujlwm yuav tsum tau ceeb toom rau cov neeg ua haujlwm txog lawv txoj cai rau siv lub sij hawm mus so thaum muaj mob?

Tau kawg.Cov tswv haujlwm yuav tsum muab ntawv ceeb toom rau cov neeg ua haujlwm tias lawv muaj cai rau ESST.Muaj ntau txoj kev uas tus tswv haujlwm tuaj yeem muab ntawv ceeb toom.Piv txwv li, tus tswv haujlwm tuaj yeem lo daim ntawv tshaj tawm ESST uas tau muab los ntawm Lub Nroog, lossis tus tswv haujlwm tuaj yeem tsim lawv tus kheej daim ntawv ceeb toom yog tias nws muaj cov ntaub ntawv xav tau.

101. Tus tswv haujlwm yuav muab daim ntawv ceeb toom txog ntawm ESST kom txaus rau cov neeg ua haujlwm tau li cas?

Tus tswv haujlwm muaj peev xwm tshaj tawm lub nroog - daim ntawv tshaj xov xwm, lossis ib daim uas tsim tawm los ntawm tus tswv haujlwm, nyob rau hauv qhov chaw uas txhua tus neeg ua haujlwm yuav pom tau.

102. Kuv tuaj yeem nrhiav tau daim ntawv tshaj tawm no qhov twg?

Nyob rau hauv lub nroog lub vas sab: www.stpaul.gov/ESST

103. Yog tias tus tswv haujlwm xaiv los tsim lawv tus kheej daim ntawv ceeb toom, nws yuav tsum muaj cov kev cai dab tsi?

Daim ntawv ceeb toom ntawm tus tswv haujlwm yuav tsum muaj cov ntaub ntawv txuas mus ntxiv no:

1. Tias cov neeg ua haujlwm muaj cai tau txais ESST;
2. Lub sij hawm pib khwv tau;
3. Thaum twg ib tug neeg ua haujlwm thiaj tuaj yeem pib siv tau ESST;
4. Tus nqi uas ib tug neeg ua haujlwm khwv tau qhov ESST;
5. Cov sijhawm ntau tshaj plaws uas ib tus neeg ua haujlwm tuaj yeem khwv tau thiab siv nyob hauv ib xyoos;
6. Tus tswv haujlwm cov cai kev ceeb toom rau kev siv ESST;
7. Tias tus neeg ua haujlwm tuaj yeem sau ntawv foob nroog Lub Nroog Saint Paul Lub Tuam Tsev Saib Xyuas Tib Neeg Cov Cai thiab Kev Muaj Vaj Huam Sib Luag Fab Kev Lag Luam;
8. Tias kev ua pauj los ntawm tus tswv haujlwm yog raug txwv tsis pub ua.

104. Kuv puas yuav tsum muab daim ntawv ceeb toom ESST tso rau hauv kuv lub tuam txhab phau ntawv qhia neeg ua haujlwm?

Tau kawg.Cov tswv haujlwm tuaj yeem muab cov ntaub ntawv hauv daim ntawv tshaj xo tso rau hauv lawv phau ntawv qhia thiab nws yuav raug pom tias yog txoj hau kev ceeb toom uas tsim nyog raws li txoj cai lij choj.

105. Tus tswv haujlwm yuav tsum khaws cov ntaub ntawv dab tsi cia?

Tus tswv haujlwm yuav tsum khaws cov ntaub ntawv teev tseg ntawm cov hauv qab no rau ncuaj sij hawm peb lub xyoos:

1. Cov sij hawm ESST uas khwv tau;
2. Cov sij hawm ESST uas siv tas;
3. Tus neeg ua hauj lwm cov xuaj moos ua hauj lwm hauv nroog Saint Paul.

106. Ib tus tswv haujlwm puas tuaj yeem nre tau kev tswj cov ntaub ntawv teev tseg tom qab ib tus neeg ua haujlwm khwv tau 48 teev nyob rau hauv ib lub xyoos?

Tus tswv hauj lwm yuav tsum tswj cia cov ntaub ntawv muaj pov thawj txaus uas yog thaum muaj ib qho kev tshawb nrhiav tshwm sim, tus tswv haujlwm yuav tuaj yeem qhia kom pom tias (1) tus neeg ua haujlwm khwv tau li 1 teev ntawm ESST tauj txhua 30 teev tau ua haujlwm; (2) pes tsawg teev uas tus neeg ua haujlwm tau ua haujlwm hauv nroog Saint Paul, thiab; (3) tus neeg ua hauj lwm tau siv cov ESST ntau npaum li cas los txog rau hnuv ntawd.

107. Yog tias kuv muab cov hnuv so ESST ua ntej hlo rau kuv cov neeg ua haujlwm los ntawm kev ua tiav qhov tsawg kawg nkaus yuav tsum tau ntawm kev muab 48 teev nyob rau hauv thawj xyoo thiab 80 teev rau xyoo tom qab, kuv puas tseem yuav tsum tau khaws cov ntaub ntawv teev cov sijhawm tau ua haujlwm tiag cia?

Tsis tas khaws. Txawm li cas los xij, tus tswv haujlwm yuav tsum khaws cov ntaub ntawv muaj pov thawj txaus uas, yog thaum muaj kev tshawb nrhiav tshwm sim, tus tswv haujlwm tuaj yeem qhia kom pom tias (1) tus neeg ua haujlwm tau txais 80 xuaj moos thaum pib ntawm lub xyoo; (2) Muaj pes tsawg teev uas tus neeg ua haujlwm tau ua haujlwm hauv nroog Saint Paul, thiab; (3) tus neeg ua hauj lwm tau siv cov ESST ntau npaum li cas los txog rau hnuv ntawd.

108. Puas yog kuv yuav tsum sau cov sijhawm uas so thaum muaj mob thiab so rau kev nyab xeeb uas khwv tau rau ntawm kuv cov neeg ua hauj lwm daim ntawv qhia nyiaj nqi zog?

Tsis yog, nws tsis tas yuav tsum ua. Cov tswv hauj lwm tuaj yeem xaiv ua qhov ntawd tau.

109. Kuv puas tuaj yeem khaws cov ntawv sau cia ntawm cov neeg ua haujlwm li ESST rau hauv cuab yeej siv hluav taws xob?

YTau kawg, yog tias nws muaj tag nrho cov ntaub ntawv xav tau thiab tuaj yeem nkag mus tau rau txhua tus neeg ua haujlwm.

110. Kuv yog ib tug tswv lag luam tshiab nyob hauv nroog Saint Paul. Kuv tau yuav ib txoj kev lag luam uas twb muaj lawm uas yog tau muab ESST rau lawv cov neeg ua haujlwm. Kuv yuav tsum tau ua dab tsi txhawm rau kom ua raws li txoj cai ESST?

Cov neeg ua haujlwm ntawm koj txoj kev lag luam tau los tshiab yuav khaws lawv li cov xuab moos ESST yog tias cov neeg ua haujlwm ua haujlwm ntxiv nyob hauv Lub Nroog Saint Paul. Tsis tas li ntawd, koj yuav tsum muab cov ntawv txog txoj cai ESST rau cov neeg ua haujlwm qub thiab cov ntiav tshiab nyob rau lub sijhawm muag lossis yuav tau qhov lag luam, lossis kom sai li sai tau, uas yuav tsum muaj ib txoj cai uas ua raws li hauv tshooj no.

111. Puas yog ib tus tswv haujlwm uas muaj txoj cai PTO uas muab tsawg kawg 80 xuaj moos ntawm cov sijhawm so tau nyiaj them rau txhua xyoo tseem yuav tsum khaws cov ntaub ntawv rau peb lub xyoo?

Tau kawg. Txhua tus tswv haujlwm yuav tsum khaws cov ntaub ntawv kev khwv tau cov sijhawm ESST thiab cov ESST uas tau siv mus lawm rau yam tsawg kawg peb xyoo tsis hais txog lawv li ESST lossis txoj cai PTO.

112. Kuv yuav taug qab cov xuaj moos ntawm cov neeg ua haujlwm uas tsuas yog ua qee zaum haujlwm hauv nroog Saint Paul xwb tau li cas?

Tus tswv haujlwm muaj lub luag haujlwm los soj qab cov ESST rau lawv cov neeg ua haujlwm thiab ua kom paub tseeb tias nws muaj ntaub ntawv sau cia yam tsim nyog. Txawm li cas los xij, tus tswv haujlwm tuaj yeem faib lub luag haujlwm rau cov neeg ua haujlwm thiab kuj tseem yuav tsim cov cai sau ua ntaub ntawv uas teev tus qauv cov sijhawm kwv yees rau cov kev khiav kev hauv nruab nrab ntawm cov kev khiav kev mus tas li.

Cov Cai Rau Ceeb Toom Neeg Ua Haujlwm thiab Cov Ntawb Ntawv Teev Tseg

113. Kuv puas yuav tuaj yeem hais kom ib tus neeg ua haujlwm qhia tawm lub laj thawm kev kho mob txhawm rau tau siv lub sijhawm so thaum muaj mob?

Tsis tau.

114. Puas yog kuv tus neeg ua haujlwm yuav tsum tau muab cov ntaub ntawv pov thawj rau kuv txhawm rau siv kuv lub sijhawm rau so thaum muaj mob thiab rau kev nyab xeeb?

Tsuas yog muab nyob hauv ob qho xwm txheej xws li:

1. Yog tias lawv yuav so rau ntau tshaj peb hnuv, lossis
2. Yog tias koj raug tsis paub tseeb xav tias tsam siv cov sij hawm so thaum muaj mob thiab rau kev nyab xeeb uas khwv tau ntawd tsis raug.

115. Ib tus neeg ua hauj lwm yuav thov siv ESST tau li cas?

Ib tus neeg ua hauj lwm yuav tsum qhia rau lawv tus tswv haujlwm tias lawv xav siv lub sij hawm ESST. Tus neeg ua hauj lwm tsis tas yuav hais ntsees txog ntawm txoj cai no, lossis hais “ESST.” Tus tswv ntiav haujlwm tuaj yeem thov cov ntaub ntawv ntxiv txog qhov xav tau rau ESST, tab sis tej zaum yuav tsis nug tus neeg ua hauj lwm kom muab cov ntaub ntawv hais txog kev mob nkeeg tshwj xeeb.

Piv txwv: Jane mus ntsib nws tus thawj koj thiab thov so 3 teev vim tias nws "mob." Tej zaum tus thawj tswj hwm yuav nug seb nws ua li yog so rau sijhawm mob lossis sijhawm kev nyab xeeb thiab, yog siv rau lub sijhawm muaj mob, seb puas yog rau ib qho kev teem sijhawm mus kho mob, tab sis tsis tuaj yeem nug tias lub sijhawm teem kho mob yog kho mob dab tsi.

116. Tus tswv haujlwm puas tuaj yeem thov tias kom tus neeg ua haujlwm qhov kev thov yuav tsum sau ua ntaub ntawv?

Tus tswv ntiav haujlwm tuaj yeem thov kom cov ntaub ntawv sau txog ntawm qhov kev thov yog tias nws tsis cuam tshuam nrog cov neeg ua haujlwm txoj cai siv ESST.

Piv Txwv 1: Troy muaj teem caij mus ntsib kws kho mob nyob rau lub asthiv tom ntej no. Troy tus tswv haujlwm, Capital Crushers, muaj txoj cai ncuu dav uas tseev kom cov kev thov yuav tsum tau sau uas ntawv. Lawv tuaj yeem thov cov ntawv sau tseg ntawm Troy li kev thov siv ESST.

Piv Txwv 2: Anne tau mob thiab hu mus thov siv sij hawm so ESST. Nws tus tswv haujlwm muaj txoj cai ncuu dav uas tseev kom cov kev thov yuav tsum tau sau uas ntawv, thiab feem ntau tsis kam tso cai rau tshwj tsis yog qhov kev thov sijhawm so yog sau ua ntaub ntawv. Anne tus tswv haujlwm tsis tuaj yeem siv tsab cai no tawm tsam Anne rau cov hom phiaj ntawm kev siv ESST, vim tias ua li ntawd yuav cuam tshuam nrog Anne txoj cai los siv lub sijhawm so thaum muaj mob nyob rau hauv txoj cai no.

117. Yog tias kuv tus neeg ua hauj lwm tau siv ESST tau yam tsawg kawg 3 hnuv thiab kuv thov cov ntaub ntawv, lawv yuav tsum muaj cov ntaub ntawv twg?

Ib daim ntawv kos npe los ntawm tus kws kho mob qhia tias lub sijhawm mob yog ib qho tsim nyog lossis qee yam ntaub ntawv kho mob uas qhia rau pom tias tus neeg ua hauj lwm tau nrhiav thiab tau txais kev kho mob yog qhov zoo txaus.

118. Kuv puas tuaj yeem hais kom tau cov ntaub ntawv los ntawm ntau tshaj ib tus kws kho mob rau txhua ntu ntawm ESST?

Tsis tau. Ib tus tswv haujlwm tsuas thov tau ib daim ntawv sau los ntawm tus neeg ua hauj lwm rau txhua ntu ntawm ESST xwb. Txawm li cas los xij, ib tus tswv haujlwm tuaj yeem thov cov ntaub ntawv rau txhua qhov kev qhaj ESST yog tias ntev dua ob lub lim tiam dhau los ntawm cov kev qhaj ESST.

Piv txwv: Willis yog tus neeg muag khoom rau Sunny Glass Manufacturing Co. Nws tau so hauj lwm plaub hnuv nyob rau lub Kaum Hlis xiab vim mob nraub qaum los ntawm kev ua tsheb sib tsoo thiab muab daim ntawv kuaj mob qhia rau lub chaw haujlwm. Kaum hnuv tom qab, nws rov so ntxiv peb hnuv rau tib qho teebmeem thiab tom qab ntawd me ntsis li ib hlis, thaum lub Kaum Ib Hlis, rov so dua ob hnuv ntxiv. Willis tsis tas yuav muab cov ntaub ntawv kho mob ntxiv rau peb hnuv so uas nws tau so thaum lub Kaum Hlis vim tias nws tshwm sim li ntawm ob lub lim tiam tom qab qhov kev mus kuaj mob thawj zaug xwb. Txawm li cas los xij, nws qhov chaw ua haujlwm tuaj yeem thov cov ntaub ntawv rau qhov kev mus ntsib thaum lub Kaum Ib Hlis vim tias nws tau tshwm sim tom qab ntev tshaj li ob lub lim tiam suav txij li hnuv kawg ntawm nws qhov kev qhaj ESST zaum kawg nkaus.

119. Cov ntaub ntawv dab tsi thiaj raug xam tias yog cov ntaub ntawv muaj txaus uas ib tus neeg ua hauj lwm yuav tsum muab rau tus tswv hauj lwm rau lub sij hawm rau kev nyab xeeb yog tias qhov kev qhaj ntawd ntev tshaj peb hnuv?

Cov ntaub ntawv muaj txaus tuaj yeem yog tub ceev xwm daim ntawv qhia, lub tsev hais plaub tsab lus txib, lossis ib tus neeg ua hauj lwm daim ntawv sau qhia tias lawv tab tom siv lub sijhawm rau kev nyab xeeb, lossis siv sijhawm so vim kev raug quab yuam deev, raug soj qab taug lw, thiab lwm yam.

120. Tus neeg ua hauj lwm puas yuav tsum muab ntawv ceeb toom, lossis ib tus neeg cev lus rau tus neeg ua hauj lwm puas tuaj yeem muab ntawv ceeb toom rau tus tswv haujlwm?

Ib tus neeg sawv cev ntawm tus neeg ua hauj lwm tuaj yeem ceeb toom rau tus tswv haujlwm yog tias tus neeg ua hauj lwm tsis tuaj yeem ceeb toom tau (piv txwv li, vim yog kev mob xwm txheej kub ntxhov).

121. Yog tias ib tus tswv haujlwm thov cov ntaub ntawv los ntawm ib tus neeg ua hauj lwm uas tau mus so ntau tshaj peb hnuv, tus neeg ua hauj lwm yuav tsum muab cov ntaub ntawv hauv lub sij hawm npaum li cas?

Tus tswv haujlwm yuav tsum muab sij hawm yam tsawg kawg 14 hnuv rau tus neeg ua hauj lwm mus muab cov ntaub ntawv.

PTO Cov Cai thiab Txoj Cai ESST

122. Ib tus tswv haujlwm muaj ib txoj cai tau txais cov sij hawm so tau txais nyiaj them/sijhawm so tus kheej (PTO) uas ua tau raws li lossis zoo dua txoj cai

ESST cov cai xav tau lawm. Qhov PTO sib koom ua ke nrog cov sij hawm so thaum muaj mob thiab rau kev nyab xeeb thiab cov sijhawm so haujlwm cia rau hauv ib txoj cai tswjfw. Puas yog tus tswv ntiav haujlwm yuav tsum muab cov sijhawm ESST ntxiv rau?

Tsis yog. Yog tias qhov ntau ntawm PTO uas muab los ntawm tus tswv haujlwm tau raws lossis ntau tshaj li qhov yuav tsum tau hauv txoj cai ESST, tus tswv ntiav haujlwm yuav raug suav tias ua raws li txoj cai.

Piv Txwv #1: YouSearch Auto Parts muab cov "sij hawm so tau nyiaj them" 80 teev txhua xyoo. Lub tuam txhab hais tias nws yuav siv rau lub caij so uas tau nyiaj them, lub sij hawm so thaum muaj mob thiab rau kev nyab xeeb uas khwv tau, thiab lwm yam kev thov rau lub sijhawm so, xws li kev pam tuag, zov menyuam, thiab lwm yam. YouSearch Auto Parts 'txoj cai yeej ua tau raws li txoj cai ntawm ESST vim tias nws muab qhov tsawg kawg nkaus ntawm cov sij hawm ESST uas xav tau hauv txhua xyoo.

Piv Txwv #2: Jiffy Printing muab 100 teev ntawm cov hnuv so hauj lwm tau nyiaj them tauj ib xyoo rau tag nrho nws cov neeg ua haujlwm. Jiffy Printing tias tas yuav muab cov sijhawm so thaum muaj mob thiab rau kev nyab xeeb uas tau nyiaj them ntxiv rau lawv cov neeg ua haujlwm vim tias lawv twb tau muab cov sij hawm so tau nyiaj them qib tsawg kawg uas sam fwm los ntawm txoj cai ESST lawm.

Piv Txwv #3: Dora's Dance Studio muab sijhawm li 80 teev rau so haujlwm txhua xyoo, tab sis cov neeg ua haujlwm yuav tsum ceeb toom ua ntej ob lub lim tiam txhawm rau los siv lub sijhawm hnuv so ntawd. Txhawm rau kom tsab cai no ua tau raws li txoj cai ntawm ESST, Dora yuav tsum tau hloov kho lawv txoj cai kom tso cai rau cov neeg ua haujlwm siv ESST rau kev so mus kho mob nkeeg lossis rau kev nyab xeeb, txawm tias lawv cov neeg ua haujlwm tsis muaj peev xwm muab tsab ntawv ceeb toom ua ntej ob lub lim tiam.

123. Ib tus tswv haujlwm puas tuaj yeem muaj txoj cai muab cov sij hawm so ntau dua rau qee tus neeg ua haujlwm tab sis lwm tus ho tsis tau?

Yog lawm, kev muab cov sij hawm sib txawv li ntawd rau kev kho no tsis txhaum lub Nroog Saint Paul Txoj Cai Hais Txog Tib Neeg Cov Cai, Lub Xeev Minnesota Txoj Cai Txoj Cai txog Tib Neeg Cov Cai, lossis lwm cov cai lij choj. Txoj cai ESST tsuas muab cov tus qauv theem tsawg kawg nkaus xwb.

124. Puas yog txoj cai ESST txhais tau hais tias kuv yuav tsum tau them nyiaj rau ib tus neeg ua hauj lwm rau qhov qhaj hauj lwm raws li txoj cai Family Medical Leave Act (FMLA)?

Tsis yog. FMLA tsis muab cov sij hawm so rau thaum muaj mob lossis ESST.

125. Yog tias kuv xav txiav tawm lub tuam txhab cov sij hawm so koobtsheej lossis hnuv so koj los them rau ESST, puas yog ib qho raug tso cai rau ua tau?

Tau kawg. Cov tswv haujlwm tsis tas yuav muab cov hnuv so lossis lub caij so uas tau nyiaj them. Cov hnuv so thiab caij so yog cov txiaj ntsig kev xaiv. Qhov uas cov tswv haujlwm yuav tsum muab rau lawv cov neeg ua hauj lwm tsuas yog lub sijhawm so thaum muaj mob thiab rau kev nyab xeeb ESST xwb. Txawm li cas los xij, cov tswv haujlwm yuav tsis hem kom tshem lub hnuv so uas tau nyiaj them los teb rau ib tus neeg ua hauj lwm qhov kev thov siv ESST.

126. Raws li kuv txoj cai PTO, cov neeg ua hauj lwm puas tuaj yeem siv tag nrho lawv cov sijhawm rau lub caij so uas tau txais thiab tsis tseg cia ib lub sijhawm rau so thaum muaj mob los yog so kom muaj kev nyab xeeb?

Tau kawg. Yog tias qhov phiaj xwm PTO ua tau raws li tus qauv tsawg kawg nkaus uas yuav tsum tau ua hauv txoj cai, tus tswv haujlwm yuav tsis muaj lub luag haujlwm muab PTO ntxiv rau.

127. Yog tias kuv muab lub sijhawm ntawm ESST lossis PTO 80 teev rau kuv cov neeg ua hauj lwm txhua xyoo, kuv puas yuav tsum tau taug qab kuv cov neeg ua haujlwm cov sijhawm?

Tsis tas ua. Txawm li cas los xij, yog tias Lub Nroog tau txais cov lus tsis txaus siab thiab pib ib qho kev tshawb xyuas, tus tswv haujlwm yuav tsum muaj cov ntaub ntawv txaus los qhia tias tus neeg ua haujlwm tau txais ESST.

128. Kuv muab PTO 80 teev rau kuv cov neeg ua hauj lwm txhua xyoo. Qee tus ntawm kuv cov neeg ua hauj lwm tau muab siv tas nrho lossis siv feem ntau ntawm lawv cov PTO ua ntej lub Xya Hli tim 1, 2017, hnuv uas txoj cai ESST tau pib siv. Puas yog kuv yuav tsum muab PTO/ESST ntxiv kom tag lub xyoo 2017 txhawm rau ua raws li txoj cai ESST?

Tsis tau. Yog tias ib tus tswv haujlwm txoj cai muab cov ESST ntau ib yam lossis ntau dua li txoj cai tau hais tseg, tsis tas yuav tsum muaj ESST ntxiv. Tus tswv ntiav haujlwm tsis tas yuav muab sijhawm so thaum muaj mob ntxiv rau cov neeg ua hauj lwm ntawd kom txog lub xyoo tom ntej.

Piv Txwv #1: Jill ua hauj lwm rau Twisty River Brewers. Twisty River Brewers muab cov sijhawm so tau nyiaj them (PTO) 80 teev rau tag nrho lawv cov neeg ua hauj lwm hauv txhua xyoo. Jill tau siv 70 teev ntawm PTO mus so hauj lwm hauv lub Tsib Hlis 2017. Twisty River Brewers twb tau ua raws li txoj cai ntawm ESST thiab tsis tas yuav muab cov PTO lossis ESST ntxiv nyob rau xyoo 2017.

Piv Txwv #2: Anytime Hauling muaj txoj cai PTO uas tso cai rau nws cov neeg ua haujlwm so tau ntev txog 80 teev txhua xyoo uas tau nyiaj them. Waylon, yog ib tus neeg ua haujlwm ntawm Anytime Hauling, tau siv tag nrho nws li PTO thaum lub caij nplooj ntoo hlav xyoo 2017, ua ntej txoj cai ESST tau pib siv txij thaum lub Xya Hli tim 1, 2017. Anytime Hauling tsis tas yuav muab cov PTO lossis ESST ntxiv rau Waylon hauv xyoo 2017.

129. Yog tias kuv muaj txoj cai PTO uas muab sij hawm so 80 teev lossis ntau dua hauv ib xyoos thiab them nyiaj rau cov sij hawm PTO uas tsis tau siv thaum ib tus neeg ua hauj lwm tawm hauj lwm, kuv puas yuav tsum muab rov qab cov sij hawm PTO uas tsis tau siv rau tus neeg ua hauj lwm yog tias nws rov mus ua haujlwm tsis pub dhau 90 hnub?

Tsis tau, yog tias koj thiab koj tus neeg ua haujlwm tau sib pom zoo rau qhov kev sib kho dhau los ntawd lawm. Txawm li cas los xij, tus neeg ua hauj lwm yuav khwv tau ESST txuas ntxiv mus thaum nws rov qab tuaj ua hauj lwm dua.

130. Yog tias kuv muab txoj cai PTO nrog kev pab them nqi ntau dua qhov uas tau teev tseg hauv txoj cai ESST, kuv puas yuav tsum cais cov xuab moos so thaum muaj mob thiab rau kev nyab xeeb uas tau nyiaj them tawm ntawm cov xuaj moos so haujlwm rau kev tshaj qhia?

Tsis tau. Txawm li cas los xij, yog tias muaj kev tshawb xyuas, koj yuav tsum tau ua pov thawj tias txhua tus neeg ua haujlwm tau txais cov sij hawm ntawm ESST uas yuav tsum tau raws li cov sijhawm tau ua haujlwm.

Key Yuam Siv Txoj Cai

131. Cov neeg ua hauj lwm puas tuaj yeem ua daim ntawv tsis txaus siab?

Yog lawm, koj cov neeg ua hauj lwm tuaj yeem ua ntawv kev tsis txaus siab ntawm www.stpaul.gov/ESST lossis hu rau Lub Nroog Saint Paul Lub Tuam Tsev Saib Xyuas Tib Neeg Cov Cai thiab Kev Muaj Vaj Huam Sib Luag Fab Kev Lag Luam los ntawm kev hu rau chav hauj lwm ntawm 651-266-8966.

132. Ib tus neeg ua hauj lwm yuav tsum xa daim ntawv tsis txaus siab nyob rau hauv lub sij hawm ntev npaum li cas?

Cov neeg ua hauj lwm muaj sij hawm 365 hnub suav txij hnub raug iab liam tias yuam cai los ua ntawv tsis txaus siab. Yog tias qhov kev iab liam tias ua txhaum ntawd tau tshwm sim hauv ntau hnub, 365 hnub pib hnub kawg ntawm qhov kev iab liam tias ua txhaum cai.

Piv txwv: Enrique tau thov ESST so txij thaum lub Kaum Hlis tim 1, 2018 - lub Kaum Hli tim 15, 2018, uas tau raug tsis kam lees los ntawm nws tus tswv ntiav haujlwm. Enrique tau ua ntawv tsis txaus siab mus rau lub tuam tsev thaum lub Kaum Hli tim 3, 2019. Enrique tuaj yeem taug qab xyuas nws qhov tsis txaus siab vim tias nws tau foob nws qhov kev tsis txaus siab nyob rau hauv 365 hnub suav txij hnub kawg ntawm qhov kev iab liam ntawd.

133. HREEO puas yuav khaws tus neeg ua hauj lwm cov ntaub ntawv qhia txog tus kheej cia tsis pub leej twg paub?

Yog lawm, rau tus ciam uas tau tso cai los ntawm qhov kev tshawb nrhiav. HREEO yuav ib txwm nug tus neeg ua hauj lwm seb Lub Nroog puas tuaj yeem qhia tawm cov ntaub ntawv txog lawv tus kheej yog tias xav tau rau qhov kev tshawb nrhiav.

134. Cov tswv hauj lwm puas tuaj yeem rau txim cov neeg ua haujlwm uas tsim txom rau ESST?

Tau kawg. Thaum muaj cov qauv qhia meej thiab tseeb txog kev tsim txom ntawm ESST los ntawm cov neeg ua haujlwm, tus tswv haujlwm tuaj yeem thov cov ntaub ntawv tsim nyog los txheeb xyuas tias tus neeg ua haujlwm qhov kev siv ESST puas ua raws li txoj cai ESST, tsis hais txog qhov tias tus neeg ua haujlwm puas tau siv ESST ntau dua peb hnuv sib law liag.

Txawm li cas los xij, cov tswv haujlwm yuav tsis siv qhov kev tshawb xyuas los ua qhov tsis kam muab ESST tshwj tsis yog kev siv yuam kev ntawd tau muaj pov thawj.

Piv Txwv 1: Carl lub Khw Kas Fes nyob rau Sab Hnuv Tuaj ntawm nroog Saint Paul. Carl tau ntiav Margaret los ua hauj lwm, nws tau thov sij hawm ESST so ib hnuv hauv txhua hnuv Friday thaum lub Rau Hli, Xya Hli thiab Yim Hli, thaum huab cua zoo. Margaret tsis muaj kev qhia tau pom tias nws muaj mob thiab tsis muaj ntaub ntawv pov thawj tias vim li cas nws thiaj so, thiab tus thawj tswj hwm ntawm Carl tau muab ib daim duab los ntawm Margaret tus Facebook thaum lub sij hawm nws siv sij hawm ESST mus so lawm, qhia pom tias nws tau nyob tom ntug hiav txwv nrog nws cov phooj ywg. Carl pib ua qhov kev tshawb xyuas kom haum nrog lawv lub tuam txhab txoj cai. Thaum kawg, Margaret lees tias nws tau siv ESST ua lub sijhawm so haujlwm, uas Carl tsis tau muab nyob hauv lub tuam txhab txoj cai. Carl tuaj yeem rau txim yam tsim nyog rau Margaret, vim tias nws tau siv ESST tsis yog lawm uas yog siv nws rau cov laj thawj tsis teev nyob hauv txoj cai, thiab tuam txhab Carl tsis muaj txoj cai tso cai rau siv PTO.

Piv Txwv 2: Txuas ntxiv los ntawm qhov piv txwv 1, ua ntej Carl xaus lawv qhov kev tshawb nrhiav, Margaret rov thov dua sij hawm so ESST vim nws tus kheej muaj mob nyob rau hnuv Friday lub caij ntuj sov thaum nws nyob zoo neej hlo tsis pom tias yuav muaj mob dab tsi. Carl tsis tuaj yeem tsis lees paub Margaret qhov kev thov, vim tias nws tau thov so haujlwm rau lub laj thawm uas muaj kev tiv thaiv raws li txoj cai lawm. Txawm li cas los xij, yog tias Carl qhov kev tshawb nrhiav pom tias Margaret cov lus thov zaum tsis ntev los no yog kev siv ESST tsis yog dua, lawv tuaj yeem suav qhov kev thov ntawd thiab kev tsim txom thaum hauv paus los mus rau txim Margaret tau.

135. Lub Nroog txhais li cas rau qhov "qauv qhia meej thiab tseeb txog kev tsim txom?"

Ib tus tswv hauj lwm yuav tsum muaj peev xwm muab cov lus tseeb thiab cov ntaub ntawv pov thawj ntawm cov xwm tseeb los qhia pom tias ib tus neeg ua hauj lwm tau tsim txom cov ESST.

Piv txwv: Maria thov so hauj lwm hauv peb hnuv Friday thaum lub Kaum Ob Hlis txhawm kom nws tuaj yeem rov qab mus koom rau hauv txoj kis las ntaus pob tom nws qub zog. Vim yog muaj teeb meem fab cov neeg ua haujlwm, nws raug tsis kam muab lub sijhawm so haujlwm. Tom qab Maria hu xov tooj tuaj tias muaj mob nyob rau peb hnuv Friday qub ntawd. Nws tus thawj coj

teev tseg tag nrho cov ntawm no thiab tuaj yeem ua qauv pom meej thiab tseeb txog ntawm kev tsim txom.

136. Ib tus neeg ua hauj lwm puas tuaj yeem ua ntawv foob hais qhov tsis txaus siab yog tias lawv ntseeg tias lawv tau raug cais yuam kev los ntawm lawv qhov chaw ua haujlwm tias yog neeg cog lus ua haujlwm ywj pheej?

Tau kawg. Yog tias ib tus neeg ua haujlwm tau raug cais hom yam tsis tsim nyog ua tus neeg cog lus ua hauj lwm ywj pheej, Lub Nroog muaj peev xwm hais kom tus tswv ntiav haujlwm los cais lawv ua tus neeg ua haujlwm thiab xaj kom yuav tsum tau txais ESST rau lub sijhawm lawv tau ua haujlwm raws li yog ib tug neeg ua haujlwm.

137. Lub Nroog yuav txheeb li cas thiaj tias yog “tus neeg cog lus ua hauj lwm ywj pheej”?

Lub Nroog yuav xyuas seb tus neeg ua hauj lwm puas:

- 1) ua ib daim ntawv them se rov qab ntawm tus kheej ua hauj lwm rau tus kheej;
- 2) tswj hwm ib qho lag luam thiab siv koj tus kheej cov cuab yeej;
- 3) muaj kev cog lus rau ua cov haujlwm kev pabcuam nrog koj tus tswv haujlwm;
- 4) paub cov nyiaj tau los yog poob peev hauv qhov kev cog lus ua tiav cov kev pabcuam;
- 5) them cov nqi tseem ceeb uas ntsig txog kev ua txoj haujlwm;
- 6) tswj hwm tus yam ntxwv thiab txoj hau kev uas koj ua txoj haujlwm.

138. Kuv puas tuaj yeem rau txim ib tus neeg ua hauj lwm rau qhov kev siv hnuv so rau thaum muaj mob tsis raug?

Yog lawm, tab sis yuav tsum yog tias ib tus neeg ua hauj lwm siv ESST rau lwm yam laj thawj dua li cov tau suav nrog hauv txoj cai ESST lawm.

139. Puas muaj kev tshwm sim dab tsi yog tias kuv tsis teb rau qhov kev tshawb xyuas?

Muaj kawg. Tus tswv haujlwm uas tsis teb rau cov ntaub ntawv thov nyob rau lub sijhawm tsim nyog yuav tsim muaj qhov xav tias tus tswv haujlwm tau ua txhaum txoj cai, thiab tus tswv haujlwm yuav tias tuaj yeem siv cov ntaub ntawv no rau hauv qhov kev thov rov hais dua.

140. Lub Nroog puas tuaj yeem ua cov kev tshawb nrhiav ESST raws nws tus kheej kev pib ua?

Tau kawg. Yog tias Lub Nroog xav tias tus tswv haujlwm tab tom ua txhaum txoj cai ESST, nws yuav pib txoj kev tshawb xyuas.

141. Ib tus tswv haujlwm puas tuaj yeem muaj ib txoj cai los tswj hwm thiab rau txim cov neeg ua hauj lwm rau qhov kev qhaj hauj lwm tsis muaj laj thawj uas tsis raug tiv thaiv los ntawm txoj cai no?

Yog lawm, kev muab tsab cai tsis cuam tshuam nrog ib tus tswv hauj lwm txoj cai siv ESST rau cov laj thawj hauv txoj cai ESST no.

142. Kuv tus neeg ua hauj lwm puas tuaj yeem foob rooj plaub mus rau hauv tsev tu plaub?

Yog lawm, yog tias koj tus neeg ua hauj lwm liam tias koj ua pauj lawv vim kev siv ESST lossis vim kev sau ntawv foob, lossis yog tias koj tau cuam tshuam rau lawv cov cai hauv txoj cai ESST.

143. Kuv puas tuaj yeem hais kom cov neeg ua hauj lwm zam lawv cov cai hauv txoj cai ESST?

Tsis tau.

Piv txwv: Lorenzo thov ua haujlwm ntawm TastyPancakes. Nyob rau hauv daim ntawv thov hauj lwm nws hais tias: "Los ntawm kev lees txais txoj haujlwm no koj xaiv tso tseg lub sijhawm so thaum muaj mob thiab so rau kev nyab xeeb." Cov cai ntawm daim ntaub ntawv thov no ua txhaum txoj cai ESST.

144. Kuv xav paub cov txheej txheem Lub Nroog taug qab thaum sij hawm ua kev tshawb xyuas. Kuv tuaj yeem nrhiav tau cov ntaub ntawv no qhov twg?

www.stpaul.gov/ESST

Kev Ua Pauj

145. Kuv puas tuaj yeem rau txim ib tus neeg ua hauj lwm rau qhov kev siv hnuv so ESST?

Tsis tau, tshwj tsis yog koj tus neeg ua haujlwm tau tsim txom txoj cai no.

146. Txoj cai ESST puas tiv thaiv ib tus neeg ua hauj lwm ntawm kev ua pauj yog tias tus neeg ua hauj lwm nkag siab yuam kev, tab sis tab meeg, iab liam qhov kev ua txhaum?

Tau kawg.

147. Yuav muaj dab tsi tshwm sim yog tias kuv ua pauj rau ib tus neeg ua haujlwm rau kev siv qhov ESST?

Kev ua pauj yog ua txhaum cai lij choj. Cov tswv haujlwm raug txwv los ntawm kev rau txim lossis ntxub ntxaug tawm tsam cov neeg ua hauj lwm uas hais lawv cov cai rau ESST nrog kev ncaj ncees. Cov cai no suav nrog tab sis tsis tag rau:

1. Ib tus neeg ua haujlwm nug txog qhov ESST;

2. Ib tus neeg ua hauj lwm li kev thov siv ESST;
3. Muab cov ntaub ntawv rau lwm tus neeg ua haujlwm txog ESST;
4. Koom hauv kev tshawb xyuas txog qhov raug iab liam tias muaj kev ua txhaum rau ESST;
5. Ua ntawv tsis txaus siab mus rau Lub Nroog.

Puas muaj lus nug dab tsi?

148. Kuv muaj ib lus nug uas tsis tau hais txog nyob rau hauv Cov Lus Nug Uas Nquag Nug (FAQ) no. Kuv yuav xa qhov lus nug mus rau Lub Nroog li cas?

Xa koj qhov lus nug mus rau: laborstandards@ci.stpaul.mn.us. Koj tseem tuaj yeem hu rau 651-266-8966 thiab qhia tus neeg teb xov tooj tias koj muaj lus nug txog Cov Sij Hawm So Thaum Muaj Mob thiab So Rau Kev Nyab Xeeb Uas Tau Nyiaj Them.